

Early European Books, Copyright © 2011 ProQuest LLC. Images reproduced by courtesy of The Wellcome Trust, London. 830/A





Early European Books, Copyright © 2011 ProQuest LLC. Images reproduced by courtesy of The Wellcome Trust, London. 830/A









L'ART ET SCIENCE

DE TROVVER LES EAVX ET FONTAINES CACHEES SOVBS terre, autrement que par les moyens vulgaires des Agriculteurs & Architectes, par laques Befson Dauphinois, Mathematicien.



A ORLEANS, Par Eloy Gibier Imprimeur de ladicte ville.

M. D. LXIX.

Auec privilege du Roy pour dix ans.

Taifner 1 de motu pennis / Ciretino 1



Early European Books, Copyright © 2011 ProQuest LLC. Images reproduced by courtesy of The Wellcome Trust, London. 830/A



A HAVLT ET PVIS-

SANT SEIGNEVR MESSIRE FRANCOIS DE BALSAC, SEIGNEVR de Marcossis, & du bois Malesherbes, Cheualier de l'ordre du Roy, Capitaine de cinquante hommes d'armes de ses Ordonnances, & Lieutenant general pour sa Maiesté, és Duchez d'Orleans, Estampes, Comté de Gyen, & pays y annexez, Bailly dudict Duché, & Capitaine de la Citadelle.

que la grandeur des bienfaits qu'ay receu de vous, surpassant insiniment la
mesure de mon pouvoir, pour les recognoistre, me face entrer en desespoir de
la amais m'acquitter envers vous, que le

ne vous demoure perpetuellemet redeuable: si est-ce que pour effacer de sur moy ceste vilaine tache d'ingrat, i'ayme trop mieux faire declaration de combien ie vous sus tenu, entrat en payement de quelque parcelle, que desaduouer que par vostre moyen i'ay poursuiui & continué l'exercice de mes estudes Mathematiques. Lesquelles comme aussi tous ares

liberaux, desirans estre appuyez de grans seigneurs, si elles n'eussent rencontré la faueur d'on tel Mecœnas qu'il vous a pleum'estre, s'aneaussoyent er s'abastardissoyent peu à peu en mon endroit. Or est-il aduenu qu'en ce temps de guerres ciules, ennemy des lettres, parmi le son des tabourins et tropettes, au milieu des armes, entre tant d'affaires d'importace qui vous enuironnent de toutes parts, auez pris le loisir & plaisir d'ouir la voix des Muses, lesquelles ayant des vostre premiere ieunesse heureusement gousté, encores à present les cherissez: or honorez ceux qui en font profession come de ce en general vous rendent tesmoignage tous les Docteurs Regents & Escholiers de l'Université d'Orleas, qui par vostre prudence & amitié naturelle que porteZ à la science, auez maintenus en paix & repos: & moy en pariculier, qui vous en rend graces immortelles. Et signament de ce que non content de m'auoir conserué, m'auez moyenné la cognoissance & faueur de mon Roy, de la Royne sa mere, & de Monseigneur, faisant entedre à leurs Maiestez les œuures des choses plus rares & exquises des sciences Mathematiques, lesquelles i'ay tasché depuis vingteing ans ença à elabourer: auec infinis frais & trauaulx pour les leur dedier, comme à qui ie doy de naturalité faire apres Dieu, tout hommage e's honneur: en esperance que de leurs royalles magnificences, & en vostre faueur, m'auienne quelque secours pour ma pauure famille, o pour subuenir au peu d'aage qui me reste encor à passer en ce monde. Et sur ceste costance, par vostre moyen & ayde Monseigneur, i'ay augmente pour la seconde edition

l'Art de distiller: Ay parcillement enrichi d'inuentions le Cosmolabe pour le rendre digne de la Royne à la quelle l'auons dedié. l'ay aussi entre mains un liure non encor imprimé, sur la Geonetrie, pour la vraye demonstration de la duplication du cube : chose que nous auons sans vanterie, par dessus les anciens vrais Philosophes, elabource. Ausquels l'aiousteray un liure encore non imprimé, sur les seuls propres es vrais elemes Geometriques, de conuertir le courbe au droist, & le droi t au courbe: & un autre sur les exercices de telles matieres. Desquels deux auons ia tant auancé l'œuure, que nous auons vaincu l'opinion de tous les modernes & anciens Mathematicies, qui l'ont reputee impossible. Ie trauaille aussi à present, pour dedier à sa Maieste, à un ample liure, distribué en plusieurs inuentions nounelles d'instrumens & machines viiles. Finalement i'ay dresse' l'Art Es science de trouver les eaux es fontaines cachees soubs terre: laquelle ay dés long temps pratiquee & experimentee en diuers pays: & maintenant Monseigneur, en recognoissance de tant de biens que m'auez faits, le vous dedie, pour la iouissance de maintes familles qui en ont affaire, combien que cela ne responde à vostre dignité & hauteur d'esprit, ni faueur enuers moy. Toutefois, Monseigneur, l'espere que si la receuez come ie m'asseure, d'aussi bon cœur que ie la vous presente auec mon perpetuel service, que la posterité pour moy le recognoistra, ne plus ne moins que les escrits d'Aristote ont beaucoup aydé à eterniser la memoire d'Alexandre, surnommé le Grad: & par Archimede, Hieron Roy Sici-2.11].

TO

lien, par Virgile Mecœnas & Auguste, ont trouvé apres infinis siecles les hommes faisans honorable mention de leurs vertus, pour recompense, de la faueur qu'ils auoyent portee au sçauoir des Philosophes florissants de leur aage. Et combien que ie n'ose egaler la petitesse de ma suffisance à leurs merites incomparables, si est ce que suppleat à ce defaut, ie siniray la presente par mes humbles & affectionnées recommandations à vos bonnes graces, priant le Createur, Monfeigneur, vous maintenir en santé & heureuse prosperué.

Vostre treshumble & tresobeissant setuiteur Iaques Besson.

PREFACE AV LECTEVR.



My Lecteur, comme ainsi soit que nul corps sensible, ni vegetable, ni autre receuant forme & accroissement naturel das ou hors la terre, ne peut subsister sans

l'humidité de l'eau, il est necessaire pour la vraye intelligence de trouuer les veines & demeurances d'icelle dans la terre, quand elle y est cachee, que nous commencions par les causes premieres, plus que par les seuls effects, ou signes, qui sont fallaces: neantmoins que plusieurs se soyent contentez d'iceux, assauoir quad par indices & demonstraces des ioncs, cannes, lierre champestre, vignes sauuages, saules, aulnes, herbe de Lapath, & ainsi de plusieurs autres plantes, ou bien par certaines especes de pierres, come sont pierres de gres, roche noirastre & molle, tuf, ardoise, petis caillous arodis, & fusiles par feu comme le cristal, & semblables choses, qui prouiennent parmi les eaux, ou bien encor par le vol des moucherons, qui par troupes voletent sur le soit és lieux humides, & par la verdeur aussi, que de toutes pars on y apperçoit, auec vne frequente habitation des animaux, qui aiment la fraischeur: ou vrayemet par la vision des vapeurs, qui au solcil leuant sortent de dedans la terre, ou par la couleur palle de la flamme du feu, qu'on apperçoit és cotrees arroulees par des-Toubs, ou dauatage par l'experience d'vn bassin renuersé & huilé, ou vne lampe pleine & allumee, ou de laine souspédue, le tout dans vn crot estoupé dessus d'ais, & de paille, du soir au lendemain, pour entendre si on y apperceura quelque humidité, qui denote dessoubs y auoir de l'eau: & ainsi semblablement par autres moyens correspodans à la mesme chose, ainsi qu'vn chacun en peut de soy-mesme obseruer. Mais infailliblement tout cela est fallace le plus souuent: car ou lon ne trouue maintesfois par telles indications, qu'eau qui est decoulee des pluyes ou des neiges, & glaces, & par consequent de peu de duree, ou bien on pense qu'il n'en reside point soubs des lieux voutez dans la terre, au dessus de laquelle on ne trouue telles apparences, combien qu'il en y aye en abondance: ou vrayement s'il aduient qu'au dessoubs d'iceux il y ait de l'eau durable, on ne peut (au moins à peu pres) discerner en quelle quantité elle y aborde, & commét elle y est produicte, ou d'où elle vient, & si elle coule, & par où, & où elle va, ou si elle demeure calme, & combien elle est profonde, & de quelle qualité, & tout cela est ainsi fallace & imparfait : tesmoing l'experience qu'en ont faite iusques auiourd'huy plusieurs Architectes & Agriculteurs: chose qui veritablemet rapporte grand preiudice à plusieurs Peres-de-famille, qui se mettet en despense par telles demonstrances & effects, pour trouver quelque bonne eau à eux commode, & cependant

ne font qu'euacuer leur bourse bien loin de leur attête & bon desir. Lesquelles choses cognues & considerees meuremet & de long temps par nous, nous auons mis peine d'y proceder autrement & plus afseurément, assauoir par les causes premieres, ensemble les signes, & non seulement par signes, entendu que les deux rendent l'art plus demonstratif qu'vn chacun tout seul. Or combien que (amy Lecteur) telle façon de traicter vne si obscure chose soit nouuelle, & en beaucoup d'endroits prolixe selon l'apparence, neantmoins elle ne te sera fascheuse, ni tedieuse, eu esgard à la necessité & vtilité d'icelle, & d'autant aush que ne feray que toucher brefuement le nœu des matieres, sans alleguer ni extrauaguer çà ni là, assauoir en distinguant tout l'œuure par trois liures. Dont le premier sera de la generation, lieu,& continuation des eaux en general, tat dessoubs que dessus terre dés le commencement du monde. Le second sera comment les eaux peuvent avoir changé de lieu dés ledict temps en plusieurs contrees par diuers accidens. Et de la quantité & profondeur qu'ont les eaux cachees au ventre de la terre, & en quelle part de leurs receptions on les pourra trouuer moins profondes. Et le tiers de les amender si elles sont cognues insalubres, & de qualitez nuisantes, & finalement de les conduire en autre lieu s'il est de besoin. Adieu.

TABLE DES CHAPITRES, LIVRE PREMIER.

Comment en traitant de la science de trouver les eaux cachees, il convient commécer à la creation, & premiere & seule cause de toutes choses.

Chapitre 1 Page 1

Qu'en doit permettre à ceux qui enseignent toutes choses disficiles & vtiles, de s'accommoder à la capacité des esprits, & à la nature des sciences, selon qu'ils cognoissent estre expedient, sans regarder à ce qui est commun. chap. 2 pag. 3

Comment beaucoup d'eau dés le commencement a esté convertie en air, & en la tenuité de l'element du feu, apres que la terre & l'eau ont esté par l'Eternel creez de rien, pour principes de toutes choses sensibles. chap. 3 pag. 6

Quelle figure & qualité auoit la terre, lors que les eaux restantes de l'air & seu elementez, se retirerent en la mer, & combien de choses cependant surent faites, & si les dictes eaux estoyent plus grandes que la terre, ou non.

chap. 4 pag. 8

Comment le fons de la mer est beaucoup plus bas au regard des campagnes de la terre, & comment aussi elle est là dedans garnie de coutaux & montagnes, & par consequent de plaines & vallees, & si elle est restee salee dés le comencement du monde, ou non.ch.; p.12

A quelles fins les petis coutaux, montagnes & colines de la terre ont esté faites, & esseuces sur les plaines champestres dés le commencement.

chap. 6 pag. 16

Comment les eaux commencerent à pleuuoir sur la terre, & les vents à véter, apres que les globes du soleil, & de la lune, & estoilles dés le commencement furent faits & formez de l'amas de la lumiere esparse du ciel.

chap.7 pag.19

Comment, & quand les eaux viues des fontaines, & des ruisseaux, & lacs, & rivieres qui s'ensuiuent ont eu leur commencement, & vont continuellement en la mer, sans qu'elle croisse ou diminue, & en reviennent aussi, mais autrement que par soubs terre, à la façon qu'aucuns ont mal pensé.

Chap. 8 pag. 22

LIVRE SECOND.

Comment ni soubs les haultes & estroites vallees, ni aux basses & larges niuelees aux spacieuses campagnes, on ne doit cercher les re-

ceptacles des generations des caux: mais seulement leurs reservoirs, ou tuyaux, & au dehors leurs canaux, & de tous deux les sources vn peu haut soubs les tumeurs du globe de la terre. Chap. 1 page 29

Comment par vieillesse, ou violence, beaucoup de tumeurs du globe de la terre, soubs lesquelles s'engédrent les eaux viues, decheent, & en tout, ou en partie interrompet les essets de leurs generations.

Chapitre 2 page 32
Comment en beaucoup d'endroits s'engendrent des coutaux & montagnes (aupris que d'autres decheent) lesquels au dessoubs, & dedans peuvent receuoir les veines, & receptacles des generations des eaux viues, & mineraux, comme les autres qui sont en leur entier.

Chap. 3 page 32

Quelle figure à peu pres peuuent auoit les veines & receptacles, & conduicts des eaux soubs les lieux montueux de la terre, en produisant de costé & d'autre fontaines cachees ou apparantes. ch. 4 p. 40

Quelle figure par dehors ont communement & particulierement les tumeurs de la terre distantes les vnes des autres, ou coniointes ensemblément à costé, ou bien entasses l'vne sur l'autre, soubs lesquelles s'engendrent les eaux viues, & quelles ont celles où elles ne s'engendrent pas, ni conseruent.

Chap. 5 pag. 4 4

Toute tumeur terrestre proposee de celles qui engendrent l'eau viue au dessoubs d'elles, sçauoir à peu pres combien l'eau y est grade & prosonde, & quel chemin elle prend là dedans, & où se recueillit sa source apparante, ou esparse, ou cachee. chap. 6 pag. 48

En tout lieu proposé, sçauoir s'il y a des eaux de pluye ou autres, amassees vn peu auant soubs terre, & si le lieu porte qu'on les puisse accroistre pour en faire là vn viuier, ou estang, ou mare, & s'il n'y en a point, si on y en pourra recueillir, ou non. chap. 7 pag. 54

Comment en tout lieu proposé on peut cauer vn puits, qui n'aura au dessoubs faute d'eau (pourueu que le dedans ne soit de pur limon ou rochers sans commissure, & fente) & combien à peu pres il sera prosond, & par quel moyen bien asseuré, n'estant excessiuc mêt creux on le doit bastir.

chap.8 pag. 57

LIVRE TROISILME.

Comment dés le commencement les diuerses qualitez que la terre a receuës se sont messees, non seulement pour formet les simples ex-

b.ij.

TABLE.

ternes, & rochers, veines & receptacles des eaux interieures: mais aussi pour engendrer dans tels lieux interieurs, terres, & sucs, & pierres, & metaux mixtionnez de diuerses couleurs, odeurs, & saucurs, & d'especes aussi dissemblables, l'vne au regard de l'autre, chacune se-lon leur propre genre.

Chap. 1 pag. 63

Comment les eaux dessous terre, comme celles de dessus prenent diverses qualitez en froid & en chaud, & aussi diverses couleurs, & saueurs, & odeurs, & pesanteurs, assauoir selon qu'il y a diuers sucs se communiquant à elles, ou pierres, ou terres, ou metaux dans terre, & dehors, selon qu'il y a divers temperamens du ciel qui les changent, & accidens des torrens, & subsistance des lieux où elles sont contenues.

Entre toutes les eaux manifestes ou trouvees, cognoistre quelles sont communement les meilleures à boire aux animaux, & si elles ne sont bonnes, comment il les saut amender & conseruer, & puis apres conduire, ou monter à la part qu'il sera necessaire. chap. 3 pag. 77

Fin de la table.


152



LIVRE PREMIER.

Comment en traitant de la science de trouuer les eaux cachees, il convient commencer à la creation, & premiere & seule cause de toutes choses.

CHAPITRE PREMIER.



-

(contre leur propre conscience) ont de tout temps confessé, & cósessent, tant par l'ordre & merueilles des eaux q sont soubs terre, & au dessus en sa superfice, & haut en l'air trasportees par vapeurs & nues, & puis resolues en pluye ou neige, comme aussi par l'ordre des cieux, & vigueur du Soleil & estoilles, & dispositios des quatre elemés, & de leurs alteratios: Item par distinctios des teps & saisons, & dauatage par les disserces des plantes, des mineraux, des animaux sans raison, de l'air, des caux, & de la terre, en-

semble leurs vies & copolitions, ont confessé, di-ie, & cotessent (voyas toutes ses choses tédre à cette fin, que tout home qui, certes, sent son ame immortelle, & qui est ici come vn pl' petit mode en soir nouri, resioui, & colerué d'aage en aage jusques à vn definimet, ou meilleur changemet de toutes choses visibles) qu'il y a vne seule cause premiere, & infinie, divine & spirituelle (nomee l'Eternel) qui meut & entretiet par sa boté incomprehensible, & sagesse & puissance indicible, tout vn si grand & bel ouurage: voire mesme qui est si excellente en son excellence, que non seulement elle surpasse infinimet toutes les choses bonnes que tous les homes du mode ensemblément peuuent voir & discerner au monde mais aussi toutes autres qui sont & hors le mode, & hors sa propre substance divine & eternelle A l'occasion dequoy il a fallu necessairement que tout ce qui est moindre qu'vne telle Essence, ait esté en quelque temps fait & formé d'icelle: car autrement n'y auroit il pas eu des choses finies, sur lesquelles elle a, & a eu tout empire & domination (entant qu'elle est d'infinie perfection) qui luy auroyent esté, ou seroyent interieures ou esgalles? ce qui est ablurde & du tout impossible. Puis donc qu'ainsi est que toutes choses ont eu leur origine du seul Eternel, au temps qu'il luy a pleu manifester sa gloire, & bonté indicible enuers les hommes & les Anges, à iuste

LIVRE PREMIER

raison les sages & sçauans en toute bonne & saine doctrine l'ont appellé le premier & dernier mouuat ou la premiere & derniere cause en toutes sciences, contenant en elle les aurres causes plus prochaines, moyennes & vitimes, iusques à ce que la periode & sin de toutes choses mondaines soit accomplie. Parquoy à bon droist, à l'imitatió des doctes & spectables personnes, on ne me pourta blasmer, si voulant traicter des lieux, generations, cours, quantitez & qualitez des eaux, & principalement de celles qui sont cachees soubs terre (entant qu'elles ont esté creées) ie comence à Dieu, come à la premiere cause & sinale de toutes, qui a fait & sormé tout de rien, assauoir par sa seule Parole & puissance absoluë, & infinie.

Qu'on doit permettre à ceux qui enseignent toutes choses diff ciles & viiles, de s'accommoder à la capacité des esprits, & à la nature des sciences, selon qu'ils cognois-sent estre expedient, sans regarder à ce qui est commun.

CHAPITRE II.

'Il a esté loisible aux prudés & doctes hommes d'establir pour tondemêt en plusieurs sciences villes & difficiles des maximes quelquesois plus probables que necessaires, comme quand d'une supposition qui souuét peut estre faulse, ils paruienent neantmoins à la regle & cognois-A.ij.

NUS

1018

B.

(t

Mil.

THE.

如

sance de verité. Ainsi que par exemple sont les Medecins dressans les discours qu'ils ont sur divers téperaments des hommes, vers vn qui soit parfaitement temperé, & comme immortel, combien qu'il soit encore à naistre de copulation naturelle: & aussi font les Orateurs pour se bien dresser & façonner à bien dire, quad ils constituent vn homme accompli de toutes sciences & graces de nature, pour bien persuader & dissuader tout ce qui est probable, sans estre en rien frustré de sa fin proposee, comme ainsi soit qu'il n'en y ait eu iamais, ni aura naturellement vn tel au mode. Dauantage combien loin de la maniere d'enseigner de ceux-ci se trouue Ptolemee, quand par grans cercles qui ont leur centre hors celuy du monde, & par petis qui ont leur circunference quasi infiniment essoignee du tour de la terre, (choses qui ne sont en nature) il sauue neatmoins les apparences des planettes & estoilles du firmament, & de ce en fait vne science tresgrade & vtile? Come aussi de mesme fait Copernic, en posant (auec vn ancien Astrologue nomé Aristarque) ce qui est du tout repugnat à nature, assauoir la terre estre mobile & le Soleil & planettes immobiles: cobien q cependant ne laisse il de paruenir à la mesme fin & compte de leurs mouuemets celestes que Ptolemee fait: voire q est pl'en plusieurs endroits & souuet beaucoup plus exactemet. Puis donc qu'ainsi est, qu'il est

LIVRE PREMIER.

Lake

3700

(alla)

bish

NB-

loisible à tous doctes de s'accomoder en enseignat le mieux qui leur sera possible aux esprits, & à la nature de la chose quand elle est difficile, & coniointe auec vtilité, ne me sera il pas aussi permis à leur imitation (combien que ie soye de beaucoup de degrez leur inferieur) d'vser de quelque licence mediocre entre le style des Physiciens, & communes interpretations des meilleurs Theologiens? en traitant le plus pertinemmet que faire ce pourra d'vne science si dissicile, qui est de trouuer les eaux cachees soubs terre, & si viile, que nulle creature ici bas ne peut auoir son estre si l'eau n'y entreuient? Si ie vien donc ici l'ordre plus d'vn Mathematicien, que d'vn Physicien ou Theologien en choses, di ie, qui tiennenc de l'vne & de l'autre profession, & ausquelles ne suis suffisamment exercité, ie prie vn chacun m'excuser, protestant qu'en celaiene tasche que d'extraire les premieres causes, pour mieux paruenir aux regles & effe As de verité, ne voulant cependant, ni delirant imaginer chose qui n'accorde au bo ordre que Dieu a voulu declarer aux homes par la creatio du monde: entédu qu'on doit permettre à tous ceux qui enseignent choses obscures & comodes, tout ce qu'ils cognoissent à leur fin estre le plus expedient, sans regarder à ce qui est commun. Aij.

one on a year of the state of t

LIVRE PREMIER

Comment beaucoup d'eau dés le commencement a esté con uertie en air, es en la tenuité de l'element du feu, apres que la terre es l'eau ont esté par l'Eternel creez de rien, pour principes de toutes choses sensibles.

CHAPITRE III.

Vand il est dit qu'au comencemer Dieu crea le ciel & la terre, les doctes Physiciens & Theologiens entédent sans cauillation & altercation, que ç'a esté la matiere du ciel, & des choses qui sont en luy, lequel est par dessus bien auant le lieu, où nous apperceuons les flambeaux que nous appellos cometes. Ou bien toute la region des quatre elemens le feu, l'air, l'eau, & la terre, ensemble ce qui est en eux, le tout compris soubs ce nom de terre, comme la plus cognue aux hommes qui l'habitent. Et ceste matiere estoit le messange de l'element de terre auec le grad amas des eaux, qui de toutes parts nageoyent en tenebres sur la terre, ainsi qu'on le discerne manifestement en tout corps substanciel & solide, auquel la terre luy est comme matiere & fondement, & l'eau comme forme & liaison. De la plus pure partie donc de ceste mariere fut fait le ciel (ainsi que dit Platon) auquel Dieu par ci par là vniuersellement distribua la lumiere auant que faire le Soleil & les estoiles, pour la discerner d'auec les tenebres qui occupoyent lors

Size.

V 4200

le dessus & le dedans de l'element de terre, & des caux comme abysmes: ce qui est euident par l'Escriture saincte, pource que Dieu parle premierement en la fabrication de toutes choses sensibles, du ciel, & de la lumiere qui ne se trouue autre part qu'en luy. En apres du grand entour & amas des eaux qui residoyent encore enuiron la terre (comme par resolution & attenuation) trois choses furent faites deuat mesme que la terre fust descouuerte, assavoir l'element du feu qui touche la concauité du ciel: à l'entree duquel element s'enstambent les matieres des comettes, ainsi que declarent les Physiciens, & puis la moyene region de l'air qui est tousiours froide par le moyen que nous dirons ci apres, & finalement la basse en laquelle nous viuons & respirons comme tous animaux terrestres. Et cela est vray par l'Escriture sain Ste, & par la Physique, par l'Escriture, pource que les eaux comme abysmes surmotoyent de beaucoup la terre deuant qu'elles se retirassent en la mer, & das les entrailles de la terre, & par la Physique, pource que l'eau est vn element, lequel estant plus leger que la terre, il falloit necessairement qu'il l'environnast, & fust plus grand d'environ la dixieme partie qu'elle, selo la proportion & sigure ronde qu'ont les quatre elemens l'vn sur l'autre, laquelle chose posee, ie demande où seroit allee tant d'eau, entendu que sa mer, & toutes autres eaux, par expe-

rience sont beaucoup moindres qu'elles n'estoyent (ainsi qu'il sera mostré euidemment ci apres) sinon qu'elle ait esté dés le comencemet resolue en la sphe re du feu & de l'air? Cela mesme est encore cosirmé par vn exemple pris de l'Escriture saincte, là où il est dit, que Dieu, apres auoir fait le ciel, & la lumiere en luy esparse, sit aussi vne estédue qui separast les hautes eaux (qui sont ordinairement en la moyenne region froide de l'air, suspedues illec par les nues, dont distillent les pluyes) d'auec les basses qui estoyét en-· core reservees pour faire la mer, laquelle estendue n'est autre chose que l'air, où les oiseaux conuersent, tiré & extrait des premieres & grades eaux, comme vn fleuue allant & venat tiré d'vn autre fleuue stable en son canal, ainsi que mesme parlent, & entendent tresbien les doctes Physicies. Et voila coment apres la creation de l'eau & terre, come principes de toutes choses sensibles, l'element du feu & air, par attenuation & resolution ont esté tirez dés le commencement des grandes eaux qui inondoyent par tout.

Qu'elle figure & qualité auoit la terre, lors que les eaux restantes de l'air & feu elementes, se retirerent en la mer, combien de choses cependant furent faites, & si lesdiétes eaux estoyent plus grandes que la terre ou non.

CHAPITRE IIII

Tout

LIVRE PREMIER!

Out ainsi que les eaux estás meslees auec la terre cóme de la boulie ou bouë, quand de la plus pure partie sut sormé le ciel, & de la plus tenue l'air, & seu elemetez, leur

commune figure estoit spherique, ainsi que leur legereté & nature requiert en tout sens comun, aussi estoit-elle de figure telle, soubs moindre quantité d'eaux apres tout cela, come on le peut voir auiourd'huy aux vestiges de sa rondeur sensible, & mesmemét d'autant qu'alors les mótagnes n'estoyét encore faires. En apres la qualité de la terre estoit nulle en odeur, & saueur, d'autat qu'elle n'a esté douce (sinon pour fructifier diuerses plantes) de cela, deuant que les eaux se retirassent, & qu'elle fut seche, mais en couleur nous entendons qu'elle estoit blanche, d'autant qu'auiourd'huy la plus pure terre qui a quelque odeur & saueur, & couleur autre que blache, passee & repassee plusieurs sois par de l'eau nette, & puis rassise, on trouuera finalement au sons qu'elle se despouillera de son odeur & saueur, & deviendra blanche, comme elle estoit au commencement. Et aussi tost qu'il fut commandé que les caux se retirassent de la superfice de la terre pour faire la mer, & que la terre produisit plantes diuerses, plusieurs choses s'en sont ensuiuies, & premieremet à ceste sin là, la terre a esté sechee, & a receu dedans bien auat & dehors varieté de couleurs & odeurs, & mesmement des plus

notables & delectables à l'homme non corrompu qui devoit issir d'elle, ensemble tous animaux & vegetaux. Et de là quant & quant sont de toutes parts (comme moutons entre chameaux & bœufs) fortis les coutaux montaignettes & montagnes, qui ont enclos les vallees & les plaines, estans pour ce (& à. leur plus grade fermeté) figurees comme piramides larges en bas, & pointues en haur, & fournies au dedans de roche simple comme os dans la chair) autrement n'auroyent peu subsister) ie di simple, d'autant qu'il n'y a apparèce que les mineraux fussent parmi si tost procreez, d'autant que les premiers hommes n'en auoyent encore nullement affaire, combien qu'aucuns disent qu'ils en ayent vsé. Les rumeurs de la terre ainsi nees de toutes parts, comme il sera plus amplement dit ci apres de leur vsage, tant dans la mer, que dehors, ont serui au commécement à deux choses en la terre, l'vne à secouer les eaux, & à les coduire entre les coutaux & vallees, come par canaux dans la mer, afin que la terre en demeuralt mieux seche, & l'autre, afin qu'au dessous & dedas vn peu pl' haut que la superfice de la terre, y eust des grands receptacles voutez, pour les eaux qui restoyent encore pour arrouser la terre, devat di ie q le soleil & estoilles fussent faires, & qu'il pleust & vétast, & ce partie par vapeurs qui montoyent sur la terre, & partie par veines petites & grandes, s'accommodant entre les

胡加

2VL

vallees, & dans les capagnes, à tels receptacles comme font les veines au foye des animaux pour humecter leurs membres, afin que l'entretien & la nourriture s'ensuiue. Et tout cela ce preuue par l'exemple des fontaines & ruisseaux, qui depuis estans engendrez soubs terre, comme nous dirons tantost, procedent de telles origines, & s'euacuent partie hors terre manifestement, partie occultement par tels conduits dans les vaisseaux de la mer, ou lacs, ou riuieres, ainsi que les fleuues qui arrousoyet le iardin d'Eden monstrent clairement auiourd'huy les vestiges de telles choses, par les motagnes dont ils sortent, auec celles d'Armenie, où se reposa l'arche du grand deluge: combien que ie ne veuille non consentir que cependant beaucoup de montagnes premieres soyent decheues, ou par vieillesse, ou par violence, & que d'autres de plusieurs formes, par artifice de nature, en maintes cotrees se soyent faites à la maniere qu'il sera dit en autre lieu plus commode. Pour conclusion, venons à la quantité des eaux restantes quand la mer se fit : elles estoyent autat en quantité comme celles qui sont auiourd'huy en la mer, & dans les entrailles de la terre, & aux lacs, & sleuves qui depuis ont eu leur cours dans la dicte mer, de la quelle ils tirent comme de leur mere leur continuité, ainsi que le manisesterons apres. Dont il appert qu'entat que la terre les contient comme en son giron, & ventre, B.ij.

& vaines, qu'elles sont moindres en quatité que tout le globe de la terre, ou autrement il faudroit que le vaisseau contenant sut moindre que la liqueur contenue, sans qu'il y eust demolition de l'humide contre le sec, ou bien qu'il y eust vn tel messange de l'vn auec l'autre, qu'au commécement, chose qui est contre l'ordre qui est establi au monde. Et ainsi voit-on qu'elle sigure & qualité auoit la terre au commencement auant que les caux se retirassent en la mer: & quelles choses se sont faites en ce mesme temps, & si elles estoyent plus grandes que la terre, ou non.

Comment le fons de la mer est beaucoup plus bas au regard des campagnes de la terre, & comment außi elle est là dedans garnie de coutaux & montagnes, & par consequent de plaines & vallees, & si elle est restee salee dés le commencement du monde, ou non.

CHAPITRE V.

La esté necessaire que la terre ait esté humilice (à la part qu'elle a esté son de pour estre le vaisseau de la mer) plus que les grandes căpagnes terrestres, au regard des montagnes hautes qui les entournét & bornent, lors, di ie, que les eaux flotantes sur la terre se sont en tel lieu retirces. Et cela se preuue naturellement par l'eau qui coule des coutaux par les campagnes toussours aux lieux plus bas, F-at

POE

DIS-

(in

300-

10-

iusques à ce qu'ils soyet pleins: ainsi qu'au commencement sans doute de toutes parts elles se sont escoulees dans la mer, au prix que les montagnes & montagnettes & coutaux se sont esseuez de la terre, qui les ont là secouces & poulsees. Car l'ordre premier en cela, ni en autre chose du mode n'est pas pire que le dernier, ains plustost en son reng beaucoup plus excellent & parfaict: & cela se fait auiourd'huy, il se faisoit donc au commencement. Quant à la quantité de la profondeur de la mer en proportion de l'ordre des vallees & montagnes de la terre, elle ne peut au plus bas de son siege surmonter les plus hautes montagnes qu'à la terre, ains plustost quelque chose moins, de peur qu'elle ne minast par ses vagues (ainsi qu'elle fait petit à petit) trop violamment les montagnes, & riuages qui la bornent, en rapportant en ce nuisance trop frequente aux animaux de la terre: mais au lieu de plus grande profondeur elle s'esbar, & recompense en vne vn peu plus grande estendue que n'a de place le bas des motagnes, & le dessus des campagnes de la terre, ainsi qu'on le trouve par l'experience tiree des Geographes & nauigateurs. Et pour le regard de ce qui est en sa figure creuse, faux entendre qu'il y a des coutaux & montagnes, & secutiuement des plaines & vallees comme en la terre, mais non du tout si hautes, ainsi qu'il a esté touché. Et cela se preuue par experience & raisons des faits B.iij.

merueilleux du monde. Quant à l'experience ceux qui peschent le corail entre les rochers qui sont en la mer, & ceux aussi qui sondent les prosondeurs des eaux, & les trouvet inegales auec la tonde des ancres pour arrester les nauires, n'en font ils pas assez de foy pour le croire? afin que ie ne parle de ceux qui plonsonnent pour sauuer les marchandises des nauires qui ont fait naufrage. Et par la raison aussi des faicts merueilleux de l'ordre establiau monde, on ne peut point douter que les montagnes & coutaux & vallees dressees sur le fons de la mer ne seruent à rompre & dissiper comme rampars de toutes patts l'inuasion & courroux tempestueux des grands slots & vagues de la mer contre les animaux de la terre, afin qu'ils soyent conseruez, à l'exemple qu'on voit des pauts fichez & plantez fermemet dans vne violente riuiere, rompre & amollir le cours & force d'icelle, pour la tuition des campagnes champestres qui sont deçà & delà. Et que dirons nous des isles qui naissent d'aage en aage comme de nouueaux mondes dans la mer?pourroyent elles subsister contre les flots, si elles n'estoyent soustenues & appuyees vn peu deçà, & vn peu delà de quelques montagnes & rochers? si elles estoyent seulement composees de sablon trasporté d'un costé & d'autre par les vagues, comme par tombereaux, ne s'en iroyent-elles pas en brief temps come elles seroyent venues? pourroyent

L'IVRE PREMIER. elles endurer sans fondement tant de heurs & collisiós tant souvent iterees des eaux maritimes? & principalement estant chargees le plus souvent de beaucoup de grandes montagnes, fontaines, lacs & rivieres, comme la terre ferme & continente? Finalement quant à ma part, ie tien que la mer dés le commencement estoit demouree salee, d'autant qu'en se reculant & retirant de la terre, elle est restee troublee de la pure terre qui n'estoit encore alteree de diuerses odeurs, couleurs & saueurs proportionnées en toutes ses parties à dinerses plantes qui en deuoyent issir, parquoy aussi tost que la terre a obei à fructifier, aussirost elle a esté douce & alteree de divers gouts, & singulierement salez, comme par tout les velliges d'auiourd'huy en font preune suffisante, & par ainsi la terre qui nageoit encore parmi l'eau de la mer, auec celle qui residoit ia au fons, ayant esté alteree en salure, icelle a mixtionné ladicte eau (qui d'elle mesme n'a saueur aucune) & la rendue salee, & plus espesse & pesante que les autres qui sont venues apres, (ainsi que dirons bien tost) & qui n'ont leur demeurance tousiours en mesme lieu & quantité, comme la mer, mais qui reuiennent & reuont en elle continuellemet, ou en plus, ou en moins côme alambics degoutans dans eux mesme, ainsi que mieux sera die ailleurs: la quelle salure & quantité de la mer depuis a esté entretenue par l'office du Soleil (q a esté recueilli

The state of the s

de la lumiere du ciel) nonobstant les vagues & sablons qui y ont abordé, suscitees de toutes parts des menues miettes de terre & rochers, par collissos des ondes, & impulsion des vens qu'ont incité le Soleil, & autres planettes & estoilles. Et ainsi cognoist-on quelle est, la mer & quelles choses il y a das son vais-

seau, ou lieu, & si elle est restee salee dés le commécement ou non, en attendant cependant que des autres eaux apres suruenues, qui sont aussi demeurees salees on ameine autre raison.

Aquelles sins les petis coutaux, montagnes & colines de la terre ont esté faites, & esleuees sur les plaines champestres dés le commencement.

CHAPITRE VL

Vtre ce que pouvons ici entendre, comme en passant, que les gibosites de la terre pres & aux bords des eaux, & mesmemet de la mer, servent à les cotenir dans leurs concavitez & canaux: aussi au dedas de leur masse, bien avant elles servent pour estre gardiennes des veines & receptacles des eaux soubterranees, asin de les dispenser en apres petit à petit (par estroits conduits & cachez) soubs les racines des simples, des vallees & plaines champestres. Iusques à ce, di-ie, que leur surplus se viene rendre dans le prosont vaisseau,

LIVRE PREMIER.

Wi.

西於

ou de la mer, ou des lacs, ou riuieres. Toutefois telles eminences dresses sur le globe de la terre, assauoir en coutaux, montagnes, & montagnettes, ou decliuites, seruent encore à beaucoup d'autres bons vsages. Et tout premierement pour estre limites, & distinctions des royaumes, & prouinces du monde:secondement pour ordonner à diverses especes d'animaux quasi leur propre maison: tiercement afin que par la concauité & conuexité des vallees & montagnes, la terre fust plus delectable, & variable, & ample, voire en telle sorte comme s'il y auoit plusieurs mondes, en vn seul, tous differens de beauté & commodité: car par ce moyen les animaux entre les contrees ombrageuses & apriqueuses, trouuent comme le chaut temps en hyuer, & l'hyuer au chaut temps. Je laisse à dire que les eaux coulantes hors terre des hauts lieux, s'amonselant és places basses, arrousent plus temperément la terre, & la rendent beaucoup plus fertile, que si toutes nageoyent esgalement sur sa superfice ronde, icelle estant destituee de tumeurs & inegalitez. le laisse encore à dire que les poissons n'eussent eu lieu où habiter, ormis en la mer, ni les bestes des champs, où se rafraischir, & estancher leur soif, és marests & estangs, car il n'y en eut point eu par ce moyen. Finalement afin que n'ignorions le principal de nostre propos, s'il n'y eust eu des gibosites en la terre, mesmes quelquesois entacees autour

Comment les eaux commencerent à pleuuoir sur la terre, et les vents à venter, apres que les globes du soleil, et de la lune, et estoilles des le commencement furent faits et formez de l'amas de la lumiere esparse du ciel.

CHAPITRE VII.

Vssi tost que le soleil, lune, & estoilles surent faits & sormez spheriques (selon les Astronomiens) de l'amas de la lumiere du ciel, par la puissance infinie de l'Esto

du ciel, par la puissance infinie de l'Esprit de l'Eternel, aussi tost leurs effects s'en ensuivirent, il n'en faut faire doute, assauoir mouuement autour le centre du monde, & action par leurs rayons à attirer des eaux de la mer, vapeurs, nues, & pluyes. Et de la terre exalations chaudes & seches, desquelles prouiennent les vents, & tout cela à la façon qu'enseignent les Physicies, & singulieremet par le benefice du soleil, qui est le plus grand & illustre en sa lueur, & puis apres par celuy de la lune, qui est plus pres de nous, & ainsi des autres astres pour leur part. Mais commet ce fait cela en exeple par le soleil? D'autant, disent ils, que ses rayons chaufant l'eau de la mer, ils la resoluent en vapeurs, qui produisent en montant haut par leur legereté les nues & pluyes. Et chaufans la terre qui est seche, il sort vne exalation (telle quasi qu'auons dite de l'humidité de la mer) sortat du dessoubs & dedans des veines, & cauernes de la terre,

C.ij.

laquelle (par mesme raison paruenue bie haut, chaude, & seche par alteration de la terre, & consequemment legere) cause les vents. Mais comment encore les rayons du soleil chaussent-ils la mer & la terre, & en quel lieu de l'air se formet les vets, nues, & pluyes? Les rayons du soleil chauffent l'eau, & la terre assez auant par penetration, fraction, & reuerberation, d'autant que l'eau estat transparate, & la terre spongieuse, tous deux sont par consequent fort apres à estre disposez ainsi de la lumiere du soleil, laquelle certes, par ce mesme moyen multipliee, a vertu d'atenuer, & d'esmouuoir les qualitez des elemens, & d'eschauffer, tout ainsi qu'il appert par l'experience des rayons rompus à trauers vne phiole pleine d'eau claire, qui par leur grande lueur brussent, & des reuerberations aussi d'vn miroir nullement transparant, qui reunis font le mesme effect. Et quat au lieu de l'air où se forment les vents, nues & pluyes, ainsi que le tout sentos hors terre, il n'en y a point d'autre, fors celuy qu'on appelle communemet la moyenne regió de l'air, ou riuiere & eaux du ciel, & pourquoy cela?pource qu'elle est froide, & comment? d'autant que les rayons du soleil chaussant ainsi qu'auons die ici bas l'eau & la terre, par attouchemet ils chauffent aussi l'air qui nous enuironne, lequel estant froid par priuation de chaleur excessiue, transporte la plus grande portion de sa froideur, partie en haut en la-

ATE,

00%

22

163

(20)

10-

35

dicte moyenne region de l'air, & partie dans les veines, & grandes voutes de la terre. Or disons de celuy qui monte en ce chapitre, & de celuy qui descend en l'autre qui suit. L'effect de celuy qui monte est d'espessir & congeler les vapeurs montees de l'eau de la mer en ceste region, dés le commécement du monde, pour les rediger là en nues, & puis en pluye, ou neige, ou grelle, selon que le soleil en chauffant d'ici bas y besongne, aydé à ce des autres astres, plus toutefois aux zones où ils ont le chaud teps, qu'aux autres où ils ont autres saisons, ainsi que le sens commun le dicte. Dauantage pource qu'il estoit besoin que les pluyes arrousassent la terre maintenant çà, maintenant là, pour la nourriture des animaux, certes (sans les autres temps) quasi tousiours quand la pluye s'appreste les exalations chaudes & seches montent de la terre, & se messent parmi les nues qui sont ia faites (par la qualité du lieu) de la nature de l'eau, froides, & humides, & estans ainsi messees, ne peuuent promptement descendre, d'autant qu'elles sont legeres, ni compatir aussi auec la froideur & humidité des nues, pource qu'elles sont de qualité contraire, assauoir chaude & seche: dont il faut necessairemet que les dictes exalations se meuvent obliquement çà & là, entendu aussi qu'elles ne pourroyent subsister en nulle part de la moyenne region qui est totallemet froide, & qu'ainsi faisant, elles en se consumant auec les dictes nues petit à petit, les fassent aller rendre leurs eaux sur la terre à la part opposite dont le soleil principalemet les a exitees par l'alteration de la terre, & où il est besoin selon la providence de Dieu qu'il pleuue. Et voila commet le train des pluyes & vents a commencé, & continue encore auiourd'huy, pour arrouser coutaux, vallees, & plaines, comme diuers iardins, depuis que le soleil & lune, & autres estoilles surent sormees de la lumiere du ciel au commencement du monde, lors qu'elle estoit esparse çà & là en la substance d'iceluy ciel.

TIRE

200

The state of

650

BAY

RS,

W.

Comment, & quand les eaux viues des fonteines, & des ruisseaux, & lacs, & rivieres qui s'ensuivent ont eu leur commencement, & vont continuellement en la mer, sans qu'elle croisse ou diminue, & en reviennent aussi, mais autrement que par soubs terre, à la façon qu'aucuns ont mal pensé.

CHAPITRE VIII.

Ous auons dit ci deuant qu'vne partie du froid qui adheroit, & adhere successive-ment dés le commencement par priuation d'excessive chaleur à l'inferieure region de l'air, a esté chassee, & l'est encore journellement en plus ou en moins (selon les regions ou saifons de l'annee, & ce par les reuerberations, & chaleur non excessive prouenante des rayons du soleil)

Print Print

WH.

40%

ed ed

10

di

120

aux lieux dans la terre spongieuse, assauoir aux veines & cauernes, qu'elle a assez auant, qui sont bien munies & estouppees de toutes parts de l'espesseur, ou de quelque terre, ou de quelques rochers, si que la chaleur externe n'y peut paruenir, lesquelles cauernes dés le commencement ont serui comme de tonneaux & reservoirs des eaux qui n'estoyent coulees en la mer (lors que la terre resta seche) afin que de leurs vapeurs, auant que le soleil & estoilles fussent formees, & qu'il pleust, elles arrousassent les semences, dont la terre estoit ia douee de toutes parts, & en toute varieté. Nous auons dit aussi comme par l'a-Aion des rayons des estoilles, & principalement du soleil, les vents par exalations de la terre ont commencé de venter, & les nues par vapeurs montans des eaux de la mer (qui seules apparoissoyét) de pleuuoir & neger, & gresler: Mais nous n'auons encore rien touché, si cependant qu'au commencement les vapeurs se leuoyent de la mer en nues & pluyes, s'il ne se transmuoit aussi quelque bonne partie d'icelles en air, qui est vn element prochain de lieu, nature, & qualité à l'eau: & si tel air n'est celuy que les Physicies disent entrer dans les lieux bouchez és cauernes des coutaux & motagnes de la terre, qui la dedas se conglutine en eaux de fontaines, ruisseaux, lacs, & riuieres, & ce par la froidure qui par repercution externe exitee des rayons du soleil, auons n'agueres touché

s'y estre retiree. Ie di qu'ils se sont beaucoup transmuees de vapeurs en air dés le commécement, d'autant qu'elles ont esté faites (par chaleur exitee des rayons solaires) chaudes & legeres, lesquelles choses conioinctes auec leur humidité sont semblables à l'air qui est chaut, leger, & humide. Et cela se preuue à l'instant par l'argument que les pluyes qui cheent d'enhaut, & sont montees de l'eau de la mer, ne sont sallees comme la mer, ni ainsi pesantes: car en montant, ce qui est pesant & terrestre d'icelles dechet en terre, & par mesme & semblable raison ce qui est leger, & seulement chaud & humide, & en tout plus propre à l'air, demeure en l'air, & le reste par consequent qui est plus humide qu'autrement, s'en va en nue & pluye. Autant en faut il entendre des exalations. Puis donc qu'ainsi est, où est allé cest air? seroitil bien possible qu'il se fust conioinet en vn mesme corps auec le premier air? il est certain qu'il s'est conioinct par continuité auec luy: mais non en vn mesme lieu dessus nos restes, par ce q la mesure en a esté pleine dés le comencement, ainsi qu'auons monstré par la resolution des grandes eaux auant que la mer fust faite, & que le soleil & estoilles luisissent. Autrement il y auroit eu penetration de deux corps en vn mesme corps, & propre lieu, chose qui est contre nature. Il a esté donc necessaire qu'autant d'air qui est prouenu des yapeurs de la mer par le soleil quand il aesté

D

11 3

1

phot

EL D

DIME

Tons

BILL

Lipus

1/5-

107-

Son a

a esté fait, autant il en soit entré dans les cauernes de la terre. Lequel certes, depuis, partie par la similitude & attouchement des eaux (restantes de la mer) là dedans, partie aussi par la froidure illec retiree (qui a action contraire à la chaleur externe, assauoir de conglutiner l'air, quand la chaleur externe resoud l'eau en air) il se soit espessi en eaux de fontaines, riuieres, & lacs perdurables, & depuis vn tel commencement l'ordre en a esté tousiours gardé, par ce que le soleil a tousiours attenué autant de mesures d'eaux, & mesmement de la mer, en air (principalement le chaud temps, qui est tousiours en la zone torride, où est la grand'mer) comme dans les receptacles de la terre bien bouchez, le froid a congelé des mesures d'air, en eaux perpetuelles par la continuité de l'air, soit en vn pays, soit en vn autre. Lesquelles choses posees & bien entendues, s'en sont ensuivies des considerations dignes d'estre prisees des gens d'entendement. Dont la premiere est, quand par exemple d'vne mesure d'eau, par chaleur & attenuatio ils s'en sont dix d'air, qui tient vn grand espace par dessus nous : au contraire par froideuril s'en font de dix d'air, vne d'eau, soit aux cachettes des tumeurs de la terre, soit en la moyenne region de l'air. Dont s'ensuit que les receptacles des eaux soubs les tumeurs de la terre, ne peuvent estre gueres plus grans que l'eau qui en sort

en vn iour, d'autant qu'auprix que l'air y entre, & se couertit en eau, aupris il en sort d'eau: Parquoy nous pouvons dire avec les sainctes Escritures, que la terre est fondee sur les eaux qui sont là dedas, lesquelles toutesois, par la prouidence de Dieu, ne sont en si grande quantité, qu'elles la puissent entieremet miner, ni ruiner. Secutiuement il est cuident, qu'autant d'eau qui s'en va par riuieres & fontaines en la mer, autantil s'en attenue en nues, & air, & d'air s'en retourne en eaux das la mer, qui est la seule cause pourquoy elle ne croist, ni descroist, & non pas que cela ce face par dessoubs terre, come aucus ont mal pensé: car on trouue bien par experience que par tuyaux soubs terre, comme dehors par canaux naturellemet les eaux entrent en lacs, rivieres, & mers, mais non pas qu'elles par eux reuiennent, montant contre la nature des choses pesantes, & sans violence, iusques enuiron le tiers des hauteurs des motagnes, où sont posez les receptacles & ventres des generations des eaux viues, comme ja auons touché ailleurs. Dauantage on peut aisémet cognoistre que de ce que quelques eaux de fontaines quelquefois sortent & puis tarissent, & quelques vnes augmentent, & puis diminuent, cela prouiet des eaux des pluyes qui penetret en leurs lieux soubs terre, & puis se dispensent petit à petit iusques à ce qu'elles finissent. Et touchant ce

qu'aucunes demeurent en leurs tumeurs en esgale mesure, cela ce fait par ce q leur lieu est si fort estouppé de toutes parts de terre argileuse, & non spogieuse, ou de rochers que les pluyes ne peuuent penetrer par dessus, ni l'air aussi, (pour illec estre conuertien eau) fors par quelques pertuis pres leur source, ainsi qu'il entre en vne bouteille quand on la verse. Finalement il est aisé d'entédre par ce passage que quand le deluge vniuersel est aduenu par miracle, & extraordinaire, l'air s'est conuerti en eau das les vaisseaux des tumeurs de la terre, & au pris que les eaux s'augmentoyent, il s'en euaporoit aussi en nues, plus que de coustume, tellemet que l'vn & l'autre a ainsi continué par quelques iours, iusques à ce que toute la moyene region a esté pleine de nues bien espesses, & la terre d'eaux, iusques aux hauts lieux des cauernes, d'où les fontaines pour la plus part naissent, de sorte que quand puis apres les vétailles du ciel, c'est à dire (ainsi que l'interpretons) la moyenne region de l'air, ont esté ouvertes, c'est à dire, que les nues se sont resolues en pluye, par l'espace de quarante iours naturels, pendant que (sans doute) les animaux qui deuoyent perir pour le peché, fuyoyent tat qu'ils pouuoyét aux mótagnes, lors di-ie, toutes les eaux ia flotantes par tout, ont esté acrues iusques à quinze coudees par dessus le couppeau des plus hautes montaFin du premier liure.

FLIVRE SECOND.

Comment ni soubs les hautes & estroites vallees, ni aux basses & larges niuelees aux spacieuses campagnes on ne doit cercher les receptacles des generations des eaux: mais seulement leurs reservoirs, ou tuyaux, or au dehors leurs canaux, or de tous deux les sources vn peu haut soubs les tumeurs du globe de la terre.

CHAPITRE PREMIER.

Es basses vallees & campagnes, au dessoubs d'elles assez auant, n'ont ni veines, ni tuyaux, ni receptacles pour les generatios des eaux: mais seulement pour receuoir icelles d'ailleurs, ou bien pour les coduire

en quelque part bien loin quad elles les ont receuës: autant en faut il entedre des hautes vallees qui sont bien estroittes vers le fons. La raison en tout & par tout au dedas & dessoubs comme au dehors, est vne mesine, car premierement au dehors les vallees hautes & estroites, seruent à receuoir les eaux des torres, qui se recueillent deçà delà par les pantes des coutaux comme par des toists quand il pleut, ensemble les eaux de quelques sontaines ausquelles elles sont pesse messe, comme vn commun canal. Et les vallees basses seruent par dehors à donner leur canal aux ruisseaux qui naisset des sontaines qui ont leur sour-D.iij.

830/A

ce environ les racines des coutaux & montagnes. Et les plaines seruent pour donner conduict & passage aux riuieres (accreuës des ruisseaux) qui coulent en la mer. Et cela faut qu'auienne necessairement ainsi en ces lieux bas, pource qu'ils sont farsis & bien vnis de terres pures & peu spongieuses, estendues de long & de large, qui sont dés le commencement prouenues des hauts lieux par eaux troubles des pluyes qui les ont là amenees & induites & disposees, tesmoin les montagnes qui en sont la plus part despouillees & sterilles. Autremet les bas lieux n'eussent peu en rien plus ni mieux contenit les eaux qu'vn crible, car ils cussent du tout ou seulement esté sablonneux, ou pierreux, ou rochers, & par consequent du tout infertiles, & inhabiles à tout procreant, cotre leur plus commun vsage. Securiuement quant au dessoubs & dedans les mesmes lieux par la mesme raison des terres pures ne peuvent servir à la generation des eaux viues: car il faudroit que cela ce fit bien auant & profond pour euiter que le froid qui se retireroit pour ceste fin, ainsi qu'a esté dit ci devant ne fust dissipé par la chaleur du soleil: car autrement si tel effect se trouuoit en bas, ou se pourroyent retirer les eaux engendrees en coulant encore plus bas? Desia les campagnes & vallees basses sont au niueau presque des fleuues, & lacs, & mers, s'accordans par ensemble en figure spherique, selon les Cosmographes & Physi-

ciens. Les lieux donc de telles generations ne seroyét Die Er ils pas autant bas? voire & plus en beaucoup d'endroits que le fons des canaux ou vaisseaux des riuieres, ou lacs, ou mers. Tels receptacles donc se remplissent des eaux des sleunes, mers, & lacs (s'il en y a, ou peut auoir dessoubs leurs terres pures & massiues) du dessoubs des vallees & campagnes basses, plustost que non pas qu'aucunes s'y puissent engendrer. Et quant au dessoubs des hautes & estroites vallees, on y trouue à la cocurrence de leurs deux decliuites des eaux de fontaine, prouenantes ocultement des veines & cauernes des coutaux desdictes declinites, lesquelles eaux se deschargent en apres à cause de leur hauteur par dessus les bas lieux en quelque ruisseau, ou lac de montagne. Dont il est euident que quand on voit au plan de quelque eminente montagne vn lac, ce n'est pas à dire qu'elle y monte d'vn lieu bas, car cela ce feroit contre nature (comme nous auons ia touché au liure precedent) ou bien par violence de seu interieur & bitumineux nourri par l'eau qui la feroit là euaporer. Mais on en verroit les indices correspodans à l'entour, ce qu'on n'apperçoit point: elle vient doc des lieux plus hauts, comme ainsi soit qu'il y en aye tousiours quelques vns, soit loin, soit pres, ainsi que l'auons diligemment obserué: iaçoit que le plus souuent on voye que leurs eaux descendentes sont reuerberees par leurs conduicts naturels

OJO KI

COULS-

1/3

LIVRE SECOND.

soubs terre cotremont, comme l'eau d'vne fontaine à tuyaux & bornet. Dauatage il s'ensuit qu'au temps que les eaux des lacs & rivieres des basses plaines, & vallees, sont basses, que les eaux des fontaines & ruifseaux qu'on apperçoit soubs terre se redre dans leurs grands canaux ou vaisseaux, ne prouiennent des receptacles desdictes plaines & vallees si elles en peuuent auoir, mais des cauernes des montagnes qui sont tousiours plus hautes, comme auos dit ailleurs: autant en faut-il entédre si les dictes sources aduiennent au milieu d'vne basse campagne. Parquoy en concluant, nous dirons que les vallees hautes & estroites, & aussi les basses, auec les campagnes, qui ensemble sont au niueau presque de la mer, & fleuues, & lacs (des lieux inferieurs) tant dehors que dessoubs terre contiennent les reservoirs, canaux, & tuyaux des caux viues, & autres à icelles coioin cles, mais non pas les propres lieux des generations des eaux viues: il les faut donc tousiours cercher vn peu haut soubs les tumeurs propres à cela du globe de la terre, plustost qu'aux plus bas lieux.

Comment par vieillesse, ou violence, beaucoup de tumeurs du globe de la terre, soubs les quelles s'engendrent les eaux viues, decheent, & en tout, ou en partie interrompent les effects de leurs generations.

CHAPITRE IL

Ilne

01

TX0

ton!

LIVRE SECOND.

L ne faut pas douter que par vieillesse ou violence beaucoup de tumeurs du globe de la terre descheent, soubs lesquelles s'engendrent les eaux viues, à l'occasion dequoy leurs cours en tout ou en partie defaillent. Et premierement par vieillesse, quand elles sont lasses de produire, & soustenir herbes, arbres, & mineraux, ainsi qu'on voit aduenir à vne vieille maison, & à toute autre chose caducque, quand elle outrepasse son aage. Dont ne se faut esmerueillersi en descheant en bas, comme vn four ruineux, ou à cousté, on descouure des eaux viues en lacs, ou en fontaines, lesquelles s'engendroyent occultemet au parauant soubs lesdictes tumeurs, qui toutefois au bout de quelq espace de téps en tout ou en partie tarissent, pource que l'ouverture est faire au chaud externe d'y entrer, & au froid interne qui cogeloit l'air en eau d'en sortir. Et par violence cela se fait en maintes façons : l'vne est quand les eaux qui sont là dessoubs contenues & engedrees obtiennent vn receptacle assez prosond, & spacieux, & qu'elles sans cesse minent les costez du sondemét de la tumeur, de sorte que ne pouvant plus subsister, ladicte tumeur s'enfonce en bas comme vn teatre,& fait regorger l'eau, & interrompre son cours, non pas toutesois qu'elle tarisse toussours, mais elle denieure en son estre comme vn la centretenu des sources qui par tel accident ont leurs conduicts bouschez, telle-

11/c

WE

364

20)

ment qu'elles ne peuuent couler ailleurs que là dedans, ensemble les eaux des pluyes ou neiges, qui de beaucoup de declinites qui peuvent estre esseuces à l'entour, abordent en mesme lieu. L'autre façon est, quand les tumeurs sont haut esleuces comme montagnes, & sont peuplees de bois de haute futaye, lesquels desracinez d'vn grad orage, cheent & emportent les pieces çà & là de la pl' part des rochers & appuis desdictes motagnes faisant descouurir les eaux, & aussi bié souvet tarir, lesquelles se pouvoyet engédrer dans leurs veines, & receptacles de dessoubs, par l'issue du froid, & entree du chaud, comme a esté dit. Autant en font les neiges qui coulent auec toute impetuolité, & grande quantité des lieux plus esleuez contre les coutaux des bas lieux des excelliues montagnes en les dissipant & rompant de toutes parts, & rendans inabiles de toutes generations interieures, non seulement des eaux, mais aussi des mineraux. Autant en font les foudres qui fendent & percent les coutaux & montagnes, & ostent toute faculté de generation qui peut estre là dedans en leurs voutes & cauites. Autant en font les fossoyeurs des matieres mineralles qui euentent comme souspiraux les entrailles des montagnes & coutaux où ils trouuent à profiter. Autant en sont les tremblemens de terre, qui renuersent ce qui est dessoubs, dessus, de beaucoup de coutaux & montagnes bien fertilles à pro-

LIVRE SECOND.

20 100

-mm-

lyc, lef-

THE CE

PJD-

DES;

maj.

tapat tédia

M=

15,80

281

duire les eaux viues en leurs cachettes. Autant finalement en font les bruslemens de terre engendrees (apres vn long temps passé) des matieres sulphurees, qui non seulement assechent beaucoup de tumeurs de terre, mais aussi les applanissent & redigent en cendre, & poussière. Et voila comment beaucoup de tumeurs aptes à la generation des eaux, cessent en tout ou en partie de pouire tels essects, ou par vieillesse, ou par violence, quand di ie leurs receptacles sont renuersez ou bouschez, & aneantis.

Comment en beaucoup d'endroits s'engendrent des coutaux et montagnes (aupris que d'autres descheent) lesquelz au dessoubs, et dedans peuvent recevoir les veines, et receptacles des generations des eaux viues, et mineraux, comme les autres qui sont en leur entier.

CHAPITRE III.

Lest expedient, & necessaire, pour la commodité qu'auos dit au liure precedent, prouenir des coutaux & montagnes du globe de la terre (assauoir pour la conservation nommément de tous animaux qui respirent l'air) que nature face des nouvelles decliuites & montagnes, au dessoubs produisant les eaux viues, & mineraux, aupris que d'autres qui ont le mesme essect, par tels accidés qu'auons recitez au chapitre precedant descheent, autrement au bout d'yn long temps, la terre demeu-E.ij.

reroit toute rase, & priuee dedans & dehors de fontaines & riuieres, & autres facultez, lesquelles les gibosites rapportent à tous animaux de la terre, voire iusques aux poissons: Nouuelles docques enimaces, & comme muscles autour du circuit de ce bas globe terrestre s'engendrent, partie par la descheute des autres, & partie par vets interieurs & exterieurs. Premierement par la ruine des autres, des montagnes & motagnettes se sont aupres des riuieres, lacs & mers, quand le miner & l'agitation des eaux fait renuerser les coutaux & colines dans lesdictes rivieres, lacs, & mers, qui les repoussent apres au loin, leur faisant changer de bornes & canal, de sorte que telles accumulations demeuret à sec adioincles en terre serme dans les basses vallees ou campagnes. Et pource que les pieces de telles compositions de nouvelles montagnes ne se peuuent si bien ioindre au dedans, & dessoubs qu'il n'y demeure des cauernositez & veines contenans encore quelque humidité des eaux precedentes. Join aussi que nature ne demeure iamais otieuse, qu'elle ne prepare das la terre quelques receptacles, à cause de ses diuerses mixtions & qualitez tédant aux fins d'y procreer quelques mineraux à l'aduenir. Il aduiet di-ie, qu'apres quelque nombre d'annees le chaud en estant chassé, & le froid introduit, l'eau necessairement s'y cogelle & espessit de la matiere de l'air, qui sans cesse par sa subtilité, & pour

sol !

TO

LIVRE PREMIER.

4/01-

TRE

euiter vacuité s'insinue par quelques fantes là dedas, de maniere que des fontaines finalemet en naissent, ainsi qu'auons mostré aduenir du dessoubs de beaucoup de vieilles montagnes, en autre part. Autant en font les pois des ruines, qui d'elles mesmes (assauoir par vieillesse) ou par orages, ou par commotion de neiges, ou tremblemens de terre, ou foudres, ou torrents souuent iterez, ou par plusieurs tels accides, ou tous ensemble, s'amoncelent des hautes decliuites & roides, bien auant entre les vallees, & plaines hautes des montagnes, ou entre les vallees basses, & prochaines campagnes, ainsi que le tout ce voit ainsi aduenir par l'experience & observation de ceux qui habitent pres, ou entre les plus grandes Alpes. Autat en font les vets non impetueux, qui s'insinuét soubs les vallees, & capagnes vn peu esleuces, qui pour cela ont bien profond quelques cauernositez pour contenir les eaux des pluyes, ou autres, desquelles toutefois elles ne sont pleines pour donner lieu aux vents, & ainsi quand lesdicts vents sont là dedans, ils cerchent issue naturellemet par autre part, que par là où ils sont entrez, & ne la pouuant trouuer qu'en eslevant la terre pure & massiue, & bien incrustee, qui est par dessus, ils forment necessairemet des motagnes, ou motagnettes nouuelles, ausquelles nature adioustant des matrices & matieres tirees deçà & delà, & au dedans, ainsi qu'auons dit, elles produisent finalement leurs effects come les autres tumeurs du globe de la terre en fontaines & mineraux. Autant en font les vents non impetueux en semblables lieux, qui ne s'insinuent toutefois là dedans: mais qui s'y engendrent par mixtion & putrefaction des matieres minerales ia illec au parauat preparees, lesquels comme ils sont d'exalation assauoir d'esprits chauds, & secs, & par consequent legers, ensient la terre en sortant hors petit à petit comme vne sumee de cheminee, & adioustant comme suye à icelle la substance seche & terrestre qu'ils ont, & amassent des lieux soubs terre vn peu lointains de celuy de la tumeur, au bout d'vn long temps vne montagne (auec tous ses effects naturels du dedans) en demeure formee. Nous auons dit notammét que l'vn ni l'autre de tels vents entendus, ne doiuent estre impetueux, car ils n'en pourroyent ainsi operer: pource qu'alors ils ne feroyent enster la terre auec toutes ses facultez, ains trembler & dissiper çà & là. Autat en font finalemet les vents externes pres la mer ou riuieres, ou lacs, ou autres lieux sabsonneux, & ce en peu de temps quand ils sont impetueux & enfermez entre des motagnes & coutaux qui les reuerberent en tourbillon, leur faisant entasser un lict sur l'autre le sablon qu'ils charient. Et quand ils ne sont impetueux, ils sont cela mesme en plus de temps. Mais comment peuuent subsister tels monceaux de sable en leur estre, qu'ils

13.76

nes

17/m

THE THE

SE-

W.

K

tk

11 V R E S E C O N D. ses parties demeure en la commodité vniuerselle de tous animaux.

Quelle sigure à peu pres peuvent avoir les veines & receptacles, & conduicts des eaux soubs les lieux montueux de la terre en produisant de costé & d'autre fontaines cachees ou apparantes.

CHAPITRE IIII.

Vi penseroit que soubs les lieux motueux de la terre, là où s'engendrent les eaux, & d'où elles sortét en fontaines, lacs, & russseaux, les receptacles & veines qui les cotienent, & conduicts qui les deriuent çà ou là, n'eussent certaines figures, & bie propres à ceste fin, n'auroit guere de jugement: car il faut que toutes choses se facent par bon ordre de nature. Et premierement soubs les montagnes qui par dehors font de petites plaines, & vallees assez eminétes (sur le plan de l'horizon) conioin ctes l'une à l'autre, & au dedas soustenues par rochers de mesme espece, ou dissemblable, tous bien espes & pesants, on trouue que les receptacles des eaux sont là dedas comme vn labyrinte fait de chambres, & chambrettes, & cabinets, & salles d'vn grand corps de logis à vn seul estage, & s'il y a 1 montagne sur motagne, come à vn corps de logis à deux estages, & ainsi ensuiuant iusques à trois, & quelquesfois à quatre. De sorte que quelquesfois les

Bit

communiquent ensemble (combien que l'espesseur du plancher de l'vn à l'autre soit quelquesois de plus de cent pieds) par des pertuis, comme par des petites vis, le tout finalemet se reduisant à vne issue, comme à vne porte soubs la racine de la totale montagne, dont prouiennent maints grands ruisseaux & rinieres. Et s'ils ne se conioignent comme par petites vis, chacun a son issue l'vn sur l'autre haut & autour des motagnes entasses par ensemble, produisans là aupres, en arrousant les lieux de diuerses sources. Mais quelle distace ont les cabinets ou receptacles de l'vn à l'autre, qui sont en vn mesme estage? & quelles sont aussi les entrees? & come cela est-il fait? Les receptacles ont vne distance bien espesse, quelquesfois plus de cent pas, quel quesfois bien peu moins, afin que le froid là contenu congelant l'air en eau, y soit mieux reserué, & que le chaud n'y puisse entrer, comme auons ia dit ailleurs. Les entrees sont comme portaux voustez & estroits, ainsi que le tout on experimente en entrant en semblables chasteaux naturels soubs terre, là où lon trouue auec torches de fort grands lacs, & courans d'eaux viues, mesme qui bien souuet produisent des petites anguilles qui n'ont guere affaire de l'air pour leur nourriture. Dauantage telles demeurances des eaux se font, ou ont esté faites, partie par les contrepois des rochers & pesanteurs des montagnes qui distrayent çà & là leurs fondemens,

leur faisant laisser yn entredeux, partie aussi par les vents qui penetrent là dedans, ou qui s'engendrent des matieres minerales, ensemble les eaux des grandes pluyes, qui apres selon leurs diuerses qualitez (les pertuis s'estant bouchez naturellemet du poix de la terre cotre la pluye externe & ordinaire) apres quelque temps rogent & dissoluent les rochers en terre, à la partie où ils sont plus mols, ainsi qu'on le voit aduenir par dehors par vents & eaux de pluyes en diuers endroits des rochers apparens des montagnes. En apres, & en second lieu, quand les montagnes ou coutaux sont peu hauts, & distinguez par vne vallee haute & estroite l'vn de l'autre, ou bien quand ils se rencontrent tous seuls & bien essongnez des autres entre des basses plaines, ayans leur figure ou comme vne portion de boule, ou comme vn dos d'asne, ainsi qu'on dit, leur matiere de das estant encor de roche, lors leurs veines & receptacles pour les eaux sont cóme escailles l'vne sur l'autre descendantes obliquement, & comme par degrez iusques au cette du lieu esleué, duquel les eaux amassees, cerchant issue, font la fontaine apparente, ou qui se desgorge ocultemet dans le canal de quelque lac, riuiere, ou mer, à la part où la tumeur se trouve plus commode à luy ceder & faire chemin. Mais les escailles où commécent elles? bien profond soubs le tiers enuiron du couppeau de la montagne ou motagnette, & là sont plus espesses LIVRE SECOND.

l'vne aupris de l'autre, ou dures, qu'au fons, afin qu'elles resistent mieux au chaud, & retiennent mieux le froid. Et commet se forment elles? par les disserentes qualitez des pluyes qui entrent là dedas, & aussi des vents, comme auons dit, sur les montagnes iointes ensemble, & entassees l'vne sur l'autre, qui est cause que les fontaines qui en sortent quand le dessus de la terre ne se restrecit du tout par son pois, ou par les superieures, & premieres, & plus espesses ou dures escailles, ainsi faites di ie, par la proximité des mutatios en chaud & froid de l'air externe, croissent quad il pleut bien fort, & maintesfois se troublent: & telle chose se trouve ainsi que disons veritable par l'experience de ceux qui font des pierrieres dans semblables coutaux, & montagnettes. Tiercement quad les gibolites de la terre, soyét icelles particulieres, & peu hautes, soyent bien hautes, & seules, & de diuers estages, soyent coniointes à costé, & entassees l'une sur l'autre par ensemble) sont au dedans conformees ou de terre seulement, auec quelques gros caillous que le froid, & les eaux des pluyes y ont engédré, ou partie de terre, partie de rochers, lors les veines & receptacles des eaux qui prenent là dedans la figure des racines de bien gros arbres, leur trone posé cotre bas vers l'endroit de la source, & ce selon la figure de la montagne, ou montagnes, & montagnettes, entendant di ie, toussours qu'il y reste, comme on trouue

aussi par experiece, vn entredeux de terre, ou rochers (pour conseruer le froid) dessus & dessoubs, & entre les veines & receptacles, comme aux autres tumeurs terrestres en assez grande distance, desquelles auons ia parlé. Lors di-ie, quelles serot les causes efficientes de ses veines, & coceptions d'eaux dernieres? ce sont les mesmes que deuat, par pluyes & vents interieurs, & costriction finale des terres par dehors & dessous ensemble les facultez internes, & minerales qui se separent & incrustent deçà & delà, les vnes des autres par froid, afin qu'en leur temps elles enfantent quelque chose bonne, & que nature là dedans ne soit otieuse. Et ainsi voit-on à peu pres quelles figures ont les veines & receptacles & conduicts des eaux viues, soubs les lieux montueux de la terre, en produisant fotaines de plusieurs parts, ou apparates, ou cachees.

Quelle sigure par dehors ont communement & particulieremet les tumeurs de la terre distates les unes des autres, ou coiointes ensemblément à costé, ou bien entasses l'une sur l'autre, soubs les quelles s'engedrent les eaux viues, en quelle ont celles où elles ne s'engendrent pas, ni coseruent.

CHAPITRE V.



Ombien que par ce qui a esté dit comme en passant au precedent chapitre, & ailleurs, on puisse assez aisément comprendre quelles figures ont par dehors les tu-

Tie

WA

100

meurs de la terre, separees ou coiointes en quelconque façon que ce soit les vnes aux autres, soubs lesquelles les eaux viues sont engendrees, & soubs lesquelles no. Toutefois pour en sçauoir mieux discerner sans fallace, entre toutes celles qui ne sont capables à procreer au dedans les eaux viues, ni mesme bien souvet à retenir celles des pluyes ou neiges qui y descendent, ores qu'elles ne soyent toussours à ces fins destituees de veines, & receptacles, il a esté tresexpedient & necessaire de faire ici vne nouuelle & plus ample conference des formes & similitudes des vnes aux autres, & premierement en commun, & puis apres en particulier. En commun toute tumeur peut estre esleuee seule sur vne campagne basse ou haute en forme d'vn dos d'asne, ainsi qu'on dit, ou d'vne tortue, ou d'vne platteforme penchante en plusieurs de ses costez. Et s'il en y a sur toute plaine, deux ou plusieurs ensemble prochaines, ou vn peu eslongnees, elles apparoissent comme asnes entre bœufs, ou comme entre moutos, agnelets. Et si elles sont rengees deux ou plusieurs autour d'vne plaine haute, ou coutaut, elles ressemblent des bastions à la tuition d'vne platteforme. Et si elles sont entasses par ordre l'une sur l'autre, ou elles ressemblét des larges degrez tiras d'vne plaine à vne decliuite, & d'vne decliuite à vne plaine entre deux gras coutaux comme entre deux parois, ou bien elles s'entretiennent

comme plattes formes l'vne sur l'autre, allant en restrecissar, de sorte que la derniere est tousiours pointue, ou mousse, & plus petite. Et quand elles sont arrengees & entassees pelle melle, comprenant vallees hautes & basses, estroites & larges, elles ressemblent quasi vne ville bien garnie de toutes sortes de rues,& places, assisse autour d'vne motagne ronde, à laquelle les maisons & toicts en forme & grandeur se surpassent les vns les autres. Et voila en comun les figures qu'ont les tumeurs de la terre, soyent distinctes & separees, soyent coioinctes & entassees ensemble. Parquoy il faut venir à ce qu'elles ont de particulier. Les vnes contiennent les eaux viues, & les autres à peine contiennent celles des pluyes & neiges, & d'autres contiennent les deux ensemble: celles seulemet contiennent les eaux viues, qui ne sont trop recentes, ni trop vieilles creées, & qui sont bien espesses, & bouchees dessus & à costé, ou de rochers sans grandes fentes, ou à force de terre pure, ou auec terre & rochers, & herbes, & forests ensemble, & au dessoubs bien cimentees, ou pauces naturellement auec suffisante disposition, & distance de leurs veines pour contenir le froid, & rendre leau vers sa source, & celles qui admettent les deux especes d'eau, ne sont ou du tout si fort espesses, ou bien bouchees au dessus, paroù en distillant entrent les humiditez externes, ainsi qu'il a esté ia touché ailleurs, combien qu'au re-

DAY

E

Act.

Det.

DAK.

puole |

106

ste le dedans aye vne semblable disposition & communication des veines & receptacles, & mesmemet quand elles sont pres à pres, ou les vnes sur les autres conioinctes. Et quant à celles qui à peine contiennent les eaux externes des pluyes, ou neiges, lesquelles il conuient discerner & exclure de ceste science, il y en a d'assez de sortes, les vnes qui n'ont point de veines au dedans, & les autres qui en ont, mais sans seruir aux eaux, ni mesme bien souvent à retenir aucun mineral: celles qui n'ont point de veines sont ou rescemment creées, à la façon qu'auos dit autre part, si que nature ne les a peu encore former, ou qui de tout remps sont restees sablonneuses, & penetrantes comme etamine. Et celles qui en ont, ou elles n'ont pas le fonts, & leur plan & base bié pauce, & cimentee par nature, pour contenir l'eau engédree aux veines, mais la laissent descendre plus bas que de leurs costez, & bien souuent bien loin: ou si elles sont bien pauees, elles sont trop poin Aues, ou trop longues & gresles par haut & par bas, ou trop denuees de terre, ou d'herbes, ou forests, ou qui sont trop farcies de pierres & cailloux sans terre au dedans, & dehors ou qui à l'œil sont pleines de fentes, & pertuis comme fenestres, puisets, ou portiquez peu distas les vns des autres tant dedans que dehors, ou qui sont trop precipitates du costé de midi, ores que d'autre part rien ne leur defaille, car par tous tels accidens la conseruation des eaux externes est aneantie, & l'effect du froid ne peut estre preserué en congelant l'air en eau manifestement, estant à ce desbauché par la chaleur externe qui sans obstacle penetre das telles tumeurs, ou par faute de place, & conduicts là à luy directement appropriez. lci nous pourrions encore adiouster le defaut des signes externes en especes d'herbes, ou arbres, ou pierres, ou animaux qui se trouuent communement & bien souvent autour des tumeurs fertilles d'eaux, ensemble auec la figure & forme particuliere que nous leur auons ci deuant attribuee. Mais cela est aisé à entedre de soy-mesme quand on le compare à l'œil, auec quelque autre marque exclusiue des tumeurs que nous venons de dire estre steriles d'eau. Et par tels moyens donc voit on clairement quelle figure par dehors ont communemet & particulierement les tumeurs de la terre distinctes les vnes des autres, ou conioin cles dessus & à costé ensemblément, sous lesquelles les eaux viues s'engendrent, ou soubs lesquelles ne s'engendrent pas ni conseruent.

Toute tumeur terrestre proposee de celles qui engédrent l'eau viue au dessoubs d'elles, sçauoir à peu pres combien l'eau y est grande & prosonde, & quel chemin elle prend là dedans, & où se recueillit sa source apparante, ou espar-se, ou cachee.

CHAPITRE VI.

Quand

No.

LIVRE SECOND.

Mil

MEN.

間的

iW.

OF.

20 30

284

Vand vne tumeur du globe de la terre est proposee pour sauoir à quelle part elle peut produire quelque cau viue, au dedas de ses veines. Il saut dilligement peut

de ses veines. Il faut dilligemment noter premierement quelle figure elle a, & puis si elle est de celles qu'il faut exclure de cest effect, ainsi que le tout a esté assez suffisamment entendu au precedent chapitre. Ayant donc entédu qu'elle est de celles qui engedrent l'eau viue au dedans de ses veines, en condition qu'elle soit bien pauce naturellement sur sa base, pour retenir là & conduire l'eau: vrayement si elle se trouve estre en sa figure semblable à vn dos d'asne, ou à vne tortue, ou à vne portion de boulle, ou à vne platte forme, chacune bien haute & espesse sur l'orizon, & icelle seule, ou conioin le, auec quelque plaine haute, ou l'vne à l'autre, ou aux autres, il est certain qu'alors elle aura au dedans suffisamment d'eau viue engendree par air, & par froid, plus toutefois si vne chacune est conioincle à vne plaine & campagne haute, que si elle est seule, ou associee à vne autre, ou autres, & entre toutes plus celle neantmoins qui est la plus en tout & par tout spacieuse, & semblable à vne tortue, adherente à vne assez grande campagne: car de telle sorte, sortent de grands ruisseaux, & des autres sortes, de grades sontaines, i'enten tousours si elles sont coioin cles à vne assez spacieuse plaine champestre, & si elles sont seules, ou associees l'vne à l'autre, ou aux autres, elles vomissent des moyennes sources seulement, ou des petites, ou de plus grandes vn petit, selon qu'à ce elles demeurent mieux duites dedans en leurs veines, & dehors aussi en leur estendue, & boucheure, assauoir contre la chaleur exrerne, & à cela ne faut point de preuue, comme à chose estant assez intelligible de soy mesme par la nature du froid, & de l'air, qui causent & procreent autant d'eau, comme ils sont aydes d'espace & de figure, dans les veines de la terre, qui contiennent l'air & le froid. Dauantage l'eau ainsi cognue à peu pres en sa quantité dans les tumeurs hautes, & bien estédues, seules, ou conioinctes à des plaines eminentes, ou à d'autres de la terre qui sont propres à engendrer ladicte cau, on cognoilt aussi cobien à peu pres elle est profonde soubs le sommer, & millieu d'icelle, assauoir d'environ le tiers de toute la hauteur qu'elle a: car il y a assez d'espesseur entre les veines, & l'air externe pour conseruer l'eau, & le froid, & repoulsser le chaud de là dedans: combien que cependant leur source ne se trouue tousiours à la racine de la tumeur, deçà, ou delà, ains quelquefois vn peu plus haut que la racine. Et si les tumeurs de telles figures qui ont esté dites ne sont si hautes, ni de grande estendue, soyent seules, ou conioinctes comme a esté dit: leur source alors sera plus basse, que de leur racine, assauoir qui regorgera cotre mont com-

WO.

1115

12

13

811

me vn bornet, ou qui ira descedre bien bas plus loin. Autant en faut-il entendre si elles sont bien basses, & de bien grande estendue, seules ou conioinctes à des plaines esleuces, ou à d'autres tumeurs. Mais quelle profondeur comment quelles soyent soubs leur couppeau auront aussi leurs plus eminentes & premieres veines en dedans? de trois tiers, l'vn depuis le plan ou enuiron de leur source comme deuat ont cu les autres, & plus eminentes tumeurs. Voire & commét en general cognoistra-on l'endroit où s'enclineront les sources, assauoir tant des vnes que des autres tumeurs?à l'endroit plus bas & precipitant où il semble que la tumeur aye comme vne teste, ou cóme vne gorge entre deux petis coutaux, la quelle plusieurs fois possede comme deux cornes: i'enten tousiours soit qu'elle reside seule, ou qu'elle adhere à vne haute plaine, ou à vne autre, ou autres de son genre tumeurs aqueuses: car leurs veines & tronc qui sont là dedans comme les racines d'vn arbre renuersé & coupé, s'accommodant par vraye experiece des fossoyeurs, fonteniers ainsi, come aussi ailleurs a ia esté touché. Voire mais en toutes ses reigles de quantité, de hauteur, d'inclination & heu de la source, n'y a-il point d'exemptions? si a, dont la premiere est que si la tumeur n'est bien pauee naturellemet sur son plan pour contenir l'eau, & qu'elle soit assise en vne plaine ou vallee basse, sa source s'yra rendre, ou recueillira

dans vne riuiere, ou Lac, ou campagne qui seront plus prochains, assauoir par des tuyaux vn peu esleuez qu'elle se mine, & fait dans terre ou dans rochers elle mesine, aydans les vens qui y entrent à l'endroit ou deuroir estre sa source, où vrayement ladicte eau n'ayant peu recouurer son tronc s'espend çà & là vn pen plus bas que de sondict lieu, & engendre là vn petit, on affez grand marez ou estang, selon la capacité de la tumeur, & proprieté de ses ia deuant predi-Aes circonstances, de sorte que là entre deux trauersant vn fossé où le tout se recueille, on apperçoit assez l'abondance de son eau, & la hauteur ausli (comme deuant) de ses premieres veines soubs le sommet de ladice tumeur. Et si la tumeur dot il est question est posee & composee sur vne, ou deux, ou trois plaines hautes, ou vallees come degrez, & que son fons ne tienne l'eau, lors on trouuera la source de son eau, ou au plan de la moyenne, ou de la plus basse vallee, ou plaine vers l'endroit de la teste, par quelqu'vne des façons, qu'auons maintenant dites: dont l'eau necessairement abondera d'autant plus à celle qui tient la source, qu'il y aura de tumeurs l'vne sur l'autre, qui en rendront & exprimeront chacune leur part & portion, ainli qu'à ce mesme propos en autre part a esté ci deuant dit: & quant à la hauteur du comencement de l'eau dans leurs tumeuts, eu esgard seulemet à la plus supreme tumeur, c'est à dire, com'LIVRE SECOND.

mençant du haut en bas iusques à sa racine, c'est vne mesmeraison qu'au preallable. Mais en poursuiuant plus auant ceste matiere, n'y a-ıl point aussi d'exceprion du costé de la source? si a : car quand la teste de la tumeur est fort bouchee, & munie de dures matieres, ou par art expres, ou par ruine des terres & rochers qui descoulent d'en haut, lors l'issue de la sourcechage d'endroit, assauoir de la teste elle naist à costé gauche ou droir, par vne, di ie, des saços premieres, chose qu'on cognoist aisément auec bien peu de consideration de la face de tout le lieu circonstant & prochain. Autant en faut-il entendre quand plusieurs tumeurs sont conioin ctes non seulement dessus, & aussi à costé, ains souvent ensemblément entre des plaines hautes: il se peut faite lors par voisinage de leurs veines, que les tumeurs pl'libres de source recueilliront tant d'eau des autres, que hors-mis quelque peu de derriere à l'endroit qu'elles se conioignent, il n'en sortira point d'elles manifestement, ou occultement. Et voila en tout comment on peut à peu presiuger de la profondeur, & quatité, & lieu, & espece de la source des tumeurs terrestres, soubs lesquelles les eaux vines se peuuent engendrer.

En tout lieu propose sçauoir s'il y a des eaux de pluye ou autres amassees un peu auant soubs terre, et si le lieu porte qu'on les puisse accroistre pour en faire là un vinier, on G.iij.

THE

10

100

XI-

23-

160

30

18

10

estang, ou mare, & s'il n'y en a point, si on y en pourra recueillir, ou non.

CHAPITRE VII.

N cognoist assez si vn lieu proposé à quelque eau amassee par dehors qui face là vne mare, ou marez, ou viuier, ou estang, & ce par la face qu'il a vn peu deprimee, & enuironnee (aumoins pour la plus grand' part) de quelques petites ou grandes colines, & declinites, & aussi par la veuë mesme, & humidité de la terre & de l'eau. Mais quad ladicte eau est vn peu auant assemblee, soubsterre, & comme cachee, pour cognoistre cela, entant qu'on ne voit la chose, il conuient vser d'vn peu d'art, & de signes, & premierement il faut que le lieu soit vn peu deprimé, comme aux eaux assemblees hors terre, autrement il ne seroit propre pour estre leur vaisseau, ou reservoir : secondement qu'il soit argileux, ou de pierre de craye, ou de terre de marne, ou paué de rochers, ou de gip, ou de tuf, ou qu'il soit de pur limon, ou de simple terre noire, chose qu'on peut assez entendre, par la couleur des pierres, & terres externes, entant qu'en leur substance, elles participent auec ce qui est dedans, ou bien en experimentant la chose par vn pertuis quelque part au lieu circonuoisin, ou interroguant ceux qui peuvent la frequenter, & fossoyer. Finalement faut qu'il y ait des signes ou des herbes aquatiques, ou des

cailloux fusiles, & des vermisseaux & moucherons qui conversent en telles contrees, ou qu'on en voye illir le matin au soleil leuant des vapeurs & fumees, ainsi qu'ont accoustumé d'vser les Architectes & Agriculteurs, & quand tous ses signes s'accorderont, indubitablement il y aura de l'eau au dessoubs du lieu proposé, & autrement non, soit icelle eau, on de pluyes, ou de neiges, ou de petites fontaines qui ont leurs sources cachees, ou partie d'vne, partie d'autre. Parquoy il ne faut craindre d'ouvrir ledict lieu comme vn puits pour trouuer l'eau, & ce enuiron son centre, & puis l'accroistre deça & delà, selon la cauité ou depression qu'a iceluy dict lieu, prenant bien garde cependant d'approcher si pres des decliuites prochaines, qu'on ne rencontre quelque creuasse qui engloutisse l'eau trouuee, que si cela aduenoit, il convient tenir prest vn ou deux tombereaux de terre argileuse, ou autre bien glutineuse, pour ietter là dedans, & boucher vissement le trou: ceci fait & expedié, on garnit de paux & d'ais, ou de muraille le circuit de l'eau, ensemble auec quelque terre semblable à celle du fons du pertuis, ou bien à d'autre quelconque qui soit grasse, & on verra apres vn viuier ou mare, ou estang ainsi qu'on cerchoit,& selon que le lieu donné le peut porter. Et telle eau se pourra-elle conserver long temps à cause du soleil? ouy, partie par l'ombrage des saules, ou autres arbres

M.K

R.A

g.

W.

plantez à l'entour, partie austi par quelques eaux de fontaines prochaines, & plus hautes qui s'y penuent là par fois trouver, & par petis fossez ou canaux, & tuyaux descendre là dedans. Et si on ne rencotre aucunes fontaines plus hautes? lors on pourra par petis fossez de plusieurs parts recueillir des declinites prochaines les eaux des pluyes en telle abondance (assauoir en munissant d'ais, & de terre visueuse, & arbres les bors du reservoir des caux, à la façon, di ie, qu'on fait auiourd'huy en Egypte, en consernant l'eau du Nil) qu'il fera bien grande chaleur deuant qu'elle puisse assecher & tarir. Et si ledict lieu donné n'a du tout en soy point d'eau, ni dedans ni dehors, & qu'il soit cependant necessaire d'y en auoir, & de l'y preseruer, en tel faict donc comment se gouuernera on? Si le lieu est deprimé, il est certain que les eaux des pluyes & neiges y descouleront, romme celles des toicts dans vne basse court, combien qu'il soit pierreux, ou sablonneux, ou autrement spongieux & pcnetratif, de sorte qu'elles n'y puissent long temps resider qu'elles ne se perdent bien bas. Dont en tel cas pour les arrester il faut oster les pierres & le sable tat qu'on pourra, & en leur lieu & tout à l'entour, mettre, & vnir & battre à force terre grasse iusques à la hauteur de deux ou trois pieds, s'il est possible, & puis encor pour le mieux, dresser là dessus en bon paué, & à l'entour vne paroy de pierre & ciment, ou d'ais,

100

LIVRE SECOND. d'ais, & d'arbres, & outre cela comme deuant, faire là descouler par petis fossez, ou les eaux de quelques hautes fontaines, si on les trouue, ou des prochaines declivires celles des pluyes, & l'effect vrayement lors s'ensuiura aux mesmes fins & vsage qu'a esté dit. Finalement, que dira- on si le lieu n'est point deprimé? il le conuiendra cauer & munir à la façon que venos de dire, & puis luy faire coduire des eaux des pluyes, des decliuites qui sont plus hautes & prochaines, ou de quelques fontaines, qu'on y peut deriver si elles s'y presentent plus haut, ou de quelques estangs, & viusers, ou marez aussi trouuez plus haut, & qui abondent en trop plus d'eau qu'il ne faut. Dont s'ensuit que s'il ne se represente aucune declivite, ni fontaine, ni autres eaux plus hautes, qu'au lieu qui sera proposé, il est impossible qu'on y puisse recueillir,&

Comment en tout lieu proposé on peut cauer un puits, qui n'aura au dessoubs faute d'eau (pourueu que le dedans ne soit de pur limon ou rochers sans commissure, & fente) & combien à peu pres il sera profond, & par quel moyen bien asseuré, n'estant excessiuemet creux on le dou bastir. CHAPITRE VIII.

rassembler aucune eau seruat à aucun vsage. Et voila

comment en tout lieu proposé, on peut sçauoir s'il y

a des eaux soubs terre, ou no, & si le lieu porte qu'on

y en puisse recuillir, ou augmenter, & preseruer, assa-

uoir en vn estang, ou mare, ou viuier.

H.j.

N. A.

100

n du

de

714

24

18

peut cauer vn puits, il faut experimenter en creusant vn peu profond, s'il est de limon bié pur, que s'il se trouue tel, & bien bas, assauoir en vne plaine ou vallee des plus basses, l'eau se trouuera plustost recueillie dehors, pour la raison, & depression du lieu, que dedans : car en bas la terre n'estat spongieuse, ni pierreuse, l'eau n'y peut nullement penetrer. Autant en faut-il entendre si en experimétant & creusant vn peu auant, on ne trouue autre matiere que durs rochers, sans comissure & fente, & ce tant en lieux hauts, qu'en des plus deprimez: Mais en tous autres lieux encore qu'ils soyent limonneux (pourueu qu'ils ayent leur assiette haute) & qu'ils soyent aquatiques par dehors, ou du nobre des tumeurs, & autres lieux terrestres non fertiles d'eaux par tout, à raison d'vne competante profondeur on y pourra faire vn puits q n'aura faute d'eau. Et premierement si le lieu constitué est ordinairement aquatique, & non limoneux totallemet & purement, vn puits peu profond n'aura aucune defaillance d'eau, ou de pluye, & neige, ou de fontaine, ou partie d'vn, partie d'autre: car elle se sera là amasse selon la figure exterieure deprimee, & interieure par des veines dudict lieu. Partant en creusant vn peu auant par les veines de la terre, elle coulera & se recueillera dans ledict puits, par dessoubs, & à costé, LIVRE SECOND.

comme par pertuis d'vn arrousoir de iardin trempat dans vn seau d'eau, assauoir à la maniere & façon qu'il aduient presque à tout autre puits. Que si le cas aduenant on trouue par experience que tel lieu ne soit ordinairement aquatique, mais seulement durant quelques saisons de l'annee, il conuiendra lors pour la necessité, faire le puits bien large, & vn peu plus profond, & rond vers le bas, & bien cimenté, & pres de la superfice de la terre estroit & sans ciment, afin que par là, en se mundifiant l'eau y entre, & puis se rassasse, & conserue là dedans, comme celle d'vne commune cisterne de maison. le ne parle cependant point ici de l'artifice qu'il faut tenir en cauant, pour euacuer les premieres eaux, ni du ciment de la muraille, tant du puits que de la cisterne, pource qu'en si peu de chose ie me remets au commun vlage. Dauantage si le lieu est de pur limon haut esseué, ores qu'il ait d'eau externe telle quelle amassee, en cauant, quand on sera paruenu enuiron la hauteur qu'il a, ou vn peu plus bas, il est certain que la concurrence des veines de la terre donneront là dedas assez d'eau pour vn puits, laquelle sera autre que celle de dessus. Îtem si le lieu se rencontre au dessus d'vne tumeur du globe de la terre de celles qui sont sertilles d'eau, ou au dessus de leur tuyau naturel, qui est vn peu esleué comme en dos d'asne, & mesmement aux plaines ou vallees non cultiuées, en cauant vn tiers ou

enuiron deuat que roucher les premieres eaux dans leur tuyau, ou veines, & puis enuiron vn autre tiers à trauers, auant que venir au fondement on trouuera sussissamment d'eau vine pour y dresser vn puits. Autant & en mesme mesure en fera on s'il est assis en vne plaine ou vallee haute, qui en aye encore au dessoubs vn autre moyennement basse, pour ueu que le terroir de toutes deux ne soit sablonneux, ou pierreux, ainsi que cela a esté exclus des lieux qui sont aptes à procreer les eaux. Et s'ils sont neantmoins de telle consistence, lors que fera on? on cauera iusques au niueau de quelque lac, ou riuiere, ou mer, les plus prochaines pour auoir abodance d'eau qui se retire dans eux. Et si le lieu donné est vne coline conjointe à vne tumeur d'eau viue, le puits caué vn peu plus bas que du pied & racine d'icelle, on trouuera de l'eau en luy suffisamment venant des veines de la tumeur: Mais si elle est autre, assauoir coniointe auec les tumeurs qui sont steriles d'eau, ou que le lieu mesme soit doné au dessus d'elles, soyent icelles sur plaines ou vallees hautes, ou moyenes, ou basses, & qu'il n'y aye aucun lac, ou mer, ou ruisseau, ou riuiere prochaine, il faudra lors cauer beaucoup plus bas que de sa plante, assauoir iusques en terre ferme, & bien massiue, ou iusques aux rochers solides, & és endroits qu'on apperçoit quelquefois redonder quelques eaux, ou de pluyes & neiges, ou de fontaines

20

10111

JOURT .

int

qui croissent en certain temps, & qui viennent de plus loing: car ainsi faisant, pour le moins on cueillera des eaux entrant là dedans pour la provision du puits qu'il y faut bastir à la necessité. Parquoy quand il sera par telles circonstances euident que le puits en sa profondeur sera d'vn grand coust, & fascheux à entretenir, & à tirer l'eau, on ne doit estre si astreint à le faire au lieu donné, qu'on ne permette de decliuer vn peu deçà ou delà, ou deuat ou arriere, iusques à ce qu'on rencontre ou le dessus de quelque tumeur ou plaine, ou vallee, ou decliuite aquatique au dessoubs, ou bien le voisinage de quelque lac, ou riuiere, ou ruisseau, ou mer, pour creuser iusques à leur niueau: autrement ie conseilleray plustost d'y dresser vne cisterne, qui reçoiue l'eau par conduits obliques qui descen dent en elle comme rayons, que d'y faire vn puits. Toutesois si on trouue par vrayes raisons que le puits ne soit excessiuement profond, ains plus expedient encore que la cisterne, on ne doit neantmoins commencer à le murer par en bas, mais par haut, afin que les ruines des terres & pierres ne prolongent la besongne, & molestent les ouuriers, & augmentent le prix. Et coment ce fera cela? en couppant comme vn anneau miplat quelque grosse pierre dure, & espesse de deux ou trois pieds, qui ayele pertuis aussi large, qu'on desire le puits, & en apres qu'on l'assisse de plat sur le lieu destiné, & qu'on com-H.iij.

mence là à cauer, aupris qu'on bastira dessus icelle pierre, estat dessoubs appuyee d'estensons emboitez dans la pierre: & tousiours ainsi faisant, la muraille descédra petit à petit iusques dans l'eau assez auant, sans que les terres y donnent aucun destourbier & encombre. Voire mais cepédant sur tel propos, sans ce qui a esté dit à peu pres de la profondeur d'vn puits faisable, ne pourroit-on acertener en cauant le lieu, de son eau? si fera bien, si on paruient iusques à la terre & sablon mouuant par eau, iusques à deux ou trois pieds, ou quatre de profond, sans se perdre, ains plustost qu'elle accroisse de bas en haut, ou de costé, par la fraction des veines ou tuyaux, & reception de la terre. Et voila comment en tout lieu proposé non excessivement profond, ni du tout de limon pur, ni de rochers sans fente, on peut bastir par bon moyen vn puits qui n'aura faute d'eau.

Fin du second liure.

Comment dés le commencement les diuerses qualitez que la terre a receuës, se sont messees, non seulement pour former les simples externes, & rochers, veines & receptacles des eaux interieures: mais aussi pour engendrer dans tels lieux interieurs, terres, & sucs, & pierres, & metaux mixtionnez de diuerses couleurs, odeurs, & saueurs, & d'especes aussi dissemblables, l'une au regard de l'autre, chacune selon leur propre genre.

CHAPITRE PREMIER.

Ous auons dit au premier liure, qu'aussi tost que la terre eut receu les facultez de procreer exterieuremet diuerses herbes, arbrisseaux, arbres, aussi tost de sa simple qualité elementaire, assauoir de secheresse, & couleur blanche, & pesanteur surpassant de quelque portion celle de l'eau, & qu'elle aussi estoit sans aucune saueur, ni odeur, elle, di-ie, sut trassmuee en toutes ses parties dedans, aussi auant pour le moins qu'on trouve des mineraux. come debors

muee en toutes ses parties dedans, aussi auant pour le moins qu'on trouue des mineraux, come dehors par toute son estendue en presque infinies, & diuer-ses, & aussi pl's simples couleurs & saueurs, & odeurs, & pesanteurs. Parquoy nous disons maintenant que de là non seulement s'en sont ensuiuies les conformations de diuers rochers destituez de mineraux, &

COL

He

des veines & receptacles des eaux soubs terre dans les montagnes, & soubs les plaines & vallees basses, moyennes & hautes, ainsi qu'auons touché au secod liure. Mais aussi comme il nous convient declarer en cestui-ci des terres mixtionnees en diverses couleurs, saueurs & odeurs Item en sucs diuers, dot prouiennent diuerses pierres simples, & puis minerales, & finalemet metaux diuers chacun d'eux selon leur espece, munis de particuliere, ou mixtionnee saueur, odeur & couleur. Et tout cela par le benefice du froid qui entre là dedans en certaines contrees,& du chaud qui aussi y entreuient par l'alteration & contraires qualitez de leurs matieres en d'autres endroits, & aussi du coulement des eaux tant externes des pluyes, & autres mouuates, que par les interieures ia illec engendrees. Et comment tout premierement par la penetration & coulemet des eaux? Pource que les eaux externes & coulantes, & singulierement des pluyes, la terre exterieure, pure & halee du soleil, & froid exterieur, estant souuent hume ctee, & puis sechce & resechee, entre petit à petit ainsi elabouree par les pores iusques dans les veines, ou fentes, & receptacles du globe de la terre, & là s'amoucelant en certains en droits, comme la semence dans sa propre matrice, & quant & quant alterant par ses propres qualitez qu'elle a en couleurs, saueurs & odeurs diuerses & primeraines, vrayement elle se trasforme

05

forme, ou en terre noire, ou en blanche, comme la marne, ou glaire, ou terre sigillee, ou en rouce & tannee, comme l'arzille, & ainsi d'autres especes, chacune ayant vne certaine & particuliere, ou bien mixtionnee saueur & odeur. Puis d'abondant suruenans les eaux viues qui coulent par là dedans, il se fait vne seconde estite, ou d'vne, ou de plusieurs telles terres ia illec amoncelees, meslees & mixtionnees, dont s'ensuiuent les generations de diuers sucs transportez par lesdictes eaux, & contenus finalement en autres & autres lieux, lesquels derechef de leur coiointe à eux fermentation alterez, quelquefois le chaud, quelquesois le froid y entreuenant, ils en sortent diuers effects. Et premierement quand par tel moyen des eaux, leurs graisses sont separces, & leurs qualitez elabourees, le soulphre liquide en est produit, ou bien quelque espece de bitume fluide, ausquels si au bout d'vn temps, ou par foudres, ou par feux externes faits par imprudence, ou par vehementes agitations de quelque exalation qui la suscitee de quelques matieres chaudes & humides ne peut sortir, le feu s'y attache, il en naissent beaucoup de choses encore plus differetes en saueurs & odeurs, & couleurs, assauoir l'orpiment des cédres du soulphre, & selon aucuns aussi le sinabre, & l'ocre, & sandarac, nous entendons si ensemble auec quelques terres, ou sucs premierement mixtionnez & puis sechez, ou congelez, la composition se fait. Et des excremens du bitume il en sort le charbon de pierre, & de ce qui coule de luy pédant qu'il brusse (i'enten du bitume) l'ambre, si le bitume est blanc, ou le gaiet s'il est noir. Dauantage l'autre effect est quand les eaux viues separent de quelques vns des suidicts sucs les parties aqueuses ayant saueurs, ou sallees, ou ameres, ou meslees de l'vn & de l'autre, & le froid interieur y suruenant, de là se forme le sel terrestre, l'alun, le vitriol, le salpestre, & quelque fois le boras naturel, & ce par le tesmoignage qu'ils se resoluent tous par eau. Item quand les semblables parties aqueuses qu'auons dites presentement sont separees d'aucuns sucs terrestres, & coiointes auec les parties plus aërees de leurs mixtions, le froid encore suruenant il se forme quasi toutes especes de pierres precieuses, comme le diamant, l'escarboucle, la ropaze, & autres comme le cristal, & l'adonix, &c. Et s'il s'y messe quelque portion de terre espuree, il se forme toutes especes de cailloux, qui se rencontrant és contrees enflambees par certain espace de temps, ou de soulphre, ou de bitume, se conuertissent en chaux, ou plastre, ou autres rochers calcineux comme est la craye, ou bole armene, & semblables: combien qu'aussi cela mesme se puisse faire par des sucs terrestres assechez & despouillez de leur humeur. Secutiuement quand les mixtions de tels sucs seuls, ou contemperez encore

SN

W.

(1)

154

m.

I.ij.

dicts composez qui en sont depuis issus, soyent munis encore dauantage (à cause de leurs diuers accidents suruenus) de toutes telles qualitez tant dehors terre, que dedas, où qu'ils se trouuent. Et voila comment des premieres proprietez elementees des terres, non seulement les lieux & vaisseaux soubs terre ont esté formez, mais aussi les terres d'exquises couleurs, & odeurs notables, & saueurs, ensemble les sucs, pierres, & metaux qui en prouiennent par diuerses mixtions & alterations, selon leurs especes & genres.

Comment les eaux dessoubs terre, comme celles de dessus prenent diuerses qualitez en froid & en chaud, aussi diuerses couleurs, as saueurs, odeurs, oppesanteurs, assauoir selon qu'il y a diuers sucs se communiquant à elles, ou pierres, ou terres, ou metaux dans terre, or dehors, selon qu'il y a diuers temperamens du ciel qui les chagent, or accidens des torrens, or subsistance des lieux où elles sont contenues.

CHAPITRE II.

Onsideré que l'air espuré n'est que chaut & humide, sans odeur ni saueur, ni couleur aucune, il faut necessairement qu'estant despouillé de sa chaleur, assauoir par son contraire, le froid, lors, di-ie, que le froid & l'air sont reduits, & contenus (ainsi qu'auons declaré

LIVRE TROISIEME. par ci deuant) en la moyenne region de l'air, ou au dedans des veines, & receptacles de la terre, que ce qui reste dudict air soit simplement humide, & puis par la conionction qu'il a auec le froid, froid. Donc il prouient que l'eau qui simplement en naist (ainsi comme aussi auons monstré ailleurs) doit estre seulement froide, & humide, & sans saueur, odeur, ni couleur aucune, ni autre affection que ce soit, ormis pesanteur en esgalle mesure, & solidité (moins enuiron la moitié) que la terre pure. Parquoy quand par les sens & experiences on apperçoit euidemment les eaux auoir diuerses couleurs, ou odeurs, ou saucurs, ou poix, ou autres, & autres essects, il est force de croire que cela aduient par le message, ou attouchement des choses par où elles coulent, ou se reposent, assauoir tant dehors que dedans terre. Et premierement haut en la moyene region de l'air, & puis soubs terre, & finalemet hors terre. En l'air donc si les nues qui les expriment par froid, & pluyes, sont messes auec des exalations qui sortent & montent de la terre, & qui sont infectees, ou de soulphre, ou de bitume noir, ou d'autres nuisantes qualitez, ainsi que sou uent il aduient (plus toutefois le chaud temps que l'hyuer, & mesmement quand il tonne & gresle) il est certain que l'eau qui pleut alors, ou qui aura pleu, en sera infectee, & mal agreable, & nuisante, no seulement aux animaux non venimeux, mais aussi aux I.iij.

LIVRE TROISIEME. plantes, & cela aduient d'autant plus qu'elle sera tenue plus reserree sans air, & sans mouuement, comme dans cisternes ou viuiers, & que le fons sera de terre non bien affectee pour l'amender, ainsi qu'il y en conuient pour cela mettre de propte, comme il sera dit ci apres. Secutiuement dans les veines & receptacles de la terre en combien de sortes se change la bonne & simple qualité de l'eau qui s'engendre en ces lieux de l'air congelé par froid? en autant de sortes comme il y a d'accidens és matieres desdicts lieux, & effects d'icelles. Car en commençant par vn bout quand les eaux passent & meuuent les terres noires deuant qu'elles coulent bien loin, ainsi qu'est le charbon pierreux, elles sont noires, & si quad elles meuuent & passent par terres blanches comme la marne, ou la terre sigillee, ou glaireuse, elles sont blanches, & si par terres rouges, comme l'ocre, ou sinabre, rouges, & si par iannes, comme l'orpiment, iaunes, & si par bleues, comme la miniere d'azur, bleues, & ainsi des autres couleurs distinctes, & bien souuent plusieurs ensemble meslees, & coniointes. Autant en faut-il entendre si le fons desdictes eaux est seulement paué de terres, & cailloux d'vne ou de diuerses couleurs qui les font apparoistre telles que sont en couleur les dictes pierres & cailloux. Et d'autant qu'à peine les couleurs des terres, & pierres, se peuuent communiquer aux eaux agitees & mou-

LIVRE TROISIEME. uantes, sans qu'il se messe quelque propre à elles substance, & par consequant quelque saueur, & odeur, & autres esfects qui leur sont conioints, comme par exemple saueur amere, & odeur sulphuree si la terre est comme charbon de pierre, ou douce en saueur, & d'odeur quasi comme la violette de Mars si la terre est marne, ou glaireuse, ou sigullee, ou bien de saueur forte, & d'odeur puante, comme l'orpiment, ou de saueur aspre, & d'odeur gracieuse, comme l'azur, & ainsi des autres, ou distinctement ou pesse messe, comme les choses se rencontrent dans terre. Autant en faut-il entendre touchant leurs effects à nuire ou à profiter aux animaux, assauoir en viciant leurs membres & parties iusques à la mort, ou en relaxant & confortant & guerissant icelles, ainsi que tresdochement ont deduict & experimenté les autheurs de Medecine. Autant en faut-il encore entendre si lesdictes eaux passent par sucs congelez, comme est le sel fosile, & l'alun, ou le vitriol, ou le boras, ou le salpestre. Autat si par les pierres precieuses, ou cailloux de diuerses especes, ou rochers calcineux, ou gypseux, ou de toutes especes de craye. Autant si par trauers des lieux simplemet sulphurez, & bitumineux, ou si par sucs preparez à diners metaux, ou si par les metaux mesmes ia formez, ou si vn peu par l'vn, & vn peu par l'autre, ou si par rochers, & pierres mineralles, c'est à dire participantes ou d'vne, ou de deux,

THE

Crade

War.

Day -

ij

LIVRE TROISIEME. ou plusieurs especes de metaux, ou finalement pesse melle, vn peu des vns que venons de dire, & vn peu des autres: il est certain qu'en passant, & se mouuant ainsi, elles arrachent toussours quelque substance de tout cela, ou d'aucunes parties de tant de choses procreées auec leurs couleurs, saueurs, odeurs, & autres effects, iceux tous separez, ou ensemble mixtionnez: lesquelles qualitez elles gardent iusques à certain espace de temps, & interuale des lieux qui les en despouillent petit à petit, ou pour le moins les changet en mieux, ou en pis, selon qu'ils sont peu ou prou, bien ou mal affectez, & mixtionnez, assauoit ainsi que le sens commun le monstre. Mais disons pourquoy est-il ici escrit dans certain temps? pource que maintesfois quand les matieres defaillent par vieillesse, ou par destourbier des tremblemens de terre, ou par œuure humaine, lors encore que les eaux cou lent, n'ayant assauoir leur premiere origine empeschee, ou changee comme leurs conduits sont changez, il est necessaire que leurs premiers essects aussi -cessent du tout ou en partie, assauoir si les autres endroits où les eaux se deriuent sont autrement contemperez, & affectez de qualitez que les premiers. Dauantage comment est-ce qu'aucunes eauxisont chaudes pres leur source, & d'autres froides, & d'autres temperees: les chaudes aduiennent quandelles passent dans ou pres des matieres bitumineuses enflambees

LIVRE TROISIEME. flambees par les accidens qu'auons dit ci dessus, afin de les entretenir. Car tel feu se nourrit long temps par l'humidité de l'eau, tesmoing l'experience qu'on en fait en beaucoup de seus artificiels ou bien autrement, si elles passent pres ou contre des matieres sulphurees encore enflambees, ainsi qu'auons aussi dit: iaçoit que tel seu ne se nourrice par eau comme le bitumineux. Et quant aux eaux froides pres leur origine, la cause de leur froideur aduient par l'espesseur des tumeurs de la terre dont elles naissent, qui en cela sont si bien munies contre la chaleur externe, que elle n'y peut aucunement atieder l'air froid qui se congele en eau: ou vrayement quand lesdictes eaux naissantes sont ou de glaces, ou de neiges tout freschement fondues: ou bien encore si elles passent par veines & lieux salpestreux qui refrigerent grandement les eaux, chose prouuee par toute experience. Dot il s'ensuit que celles qui naissent entre ces deux qualitez extremes peuvent participer des pluyes, ou ne receuoir aucun accident d'excessive chaleur, ni froideur dans ni pres leur issue, les tumeurs & matieres interieures n'estant à ce disposees comme dessus. Il reste donc que nous vuidions en bref ce qui fait alterer en mieux ou en pis les qualitez des eaux quad elles coulent hors terre loin de leur source, ce qui les fait chager en tout pays, est le ciel, le terroir, les plantes & exalations auec les torrés. Le ciel donc en pre-

mier lieu les change si elles coulent vers septentrion, & qu'elles soyent issues chaudes, & de mauuaise odeur: car par telle region elles se contéperent à cause de la froideur, & secheresse des vents qui viennent de ce costélà, & tout au contraire elles empirent, si en coulant la playe, & quartier de midi d'où vient le chaud, & les vets insalubres les reçoit. Et si elles sont froides excessiuement & crues, elles s'amendent allant vers midi, par la chaleur qui en prouient: & au contraire elles empirent si elles tiennent le costé de septentrion dont vient le froid, tesmoing les vents. Item si leur cource est, ou vers orient, ou vers occident, & qu'elles soyent viciees de quelque mauuaise qualité, elles ne se peuvent amender, sinon entant que l'air seulement, & le serein de la nuict les ratifie & repurge de quelque excrement. Et si elles sont salubres elles demeurét en leur vigueur, & bonté. Que si cependant telles eaux resident en vn lieu, comme celles des lacs apres qu'elles sont sorties, & coulees bié loin par quelque terre que ce soit, viciee ou non, elles n'amendent là selon qu'elles y sont paruenues en rien, ains plustost empirent de quelque chose en defaut de mouuement pour les elabourer & mundisier, cependant, di-ie, que la chaleur du iour par repos les prouoque plus à corruption que le serein de la nuict n'y peut empescher. Secutiuement le terroir en poix, en couleurs, & saueurs, & odeurs fait chan-

ger les eaux externes, ou courantes, ou de repos, & non salubres, en mieux s'il est sablonneux qui mundifie, ou d'arsille, ou d'autre bonne terre, & non infectee d'aucun mineral, ou de terre engendree des sucs, ou meraux soubs terre, pl' toutefois si elles coulent par ce qui a esté dit seront meilleures. Et au contraire elles chagent en pis si le terroir est infecté, soit qu'elles coulent, soit qu'elles se reposent, plus neantmoins si elles ne coulent point, comme on peut entendre par la raison qui a esté touchee. Finalement les plantes & exalations de la terre, & les torres font changer les qualitez des eaux courates, ou de repos, en pis, ou en mieux, loin ou pres de leur source, par ce que premierement les eaux demeurat ou passant, touchent les racines des plantes, & reçoiuent leurs fueilles, & fleurs, & par consequent reçoiuent leurs vertus & facultez, en couleurs, & odeurs, & saueurs salubres ou insalubres, selon qu'elles sont en leurs lieux & bornes paruenues ou contenues. Et si des exalations sortantes de la terre s'y messent, rapportas les qualitez nuisantes de certains sucs & matieres ou bitumineuses, ou sulphurees, ou metaliques, ou minerales qui sont encloses dans les veines & ventres de la terre, lesquelles exalations se desbouchent delà dedans, dans des lacs, ou riuieres, ou estangs par certains temps & saisons, quand elles sont à ce naturellement prouoquees, ainsi qu'on le voit maintesfois

par grande experience, & quasi en vn instant dans la mer, il est certain qu'alors les eaux retienent long temps telles mauvaises qualitez, entédu que les exalations passent à trauers, & que l'eau est susceptible de tout accident qui survient à icelle par attouchement, & communication de lieu. Dont s'ensuit que si aucunes de telles exalations se rencontroyent de -bonne odeur, ainsi qu'il peut aduenir par l'inflammation du bitume blanc, qui engendre par sa grasse l'ambre, qui est de bonne odeur comme le mirre, les eaux aussi se mixtionneront en telle bonne odeur, au lieu de l'infectee. Et pour conclusion les eaux externes encore se changent en mieux ou en pis, quad dans leurs canaux & bornemens deriuent quelqueffois des torrens qui les aggrauent de poix, ou contemperet selon le terroir, & la nature des lieux dont se deriuent leurs eaux. Parquoy cognoissant toutes ces choses, il ne se faut esmerueiller si par tous tels moyens, tant dedans que dehors terre, les eaux en tout pays reçoiuent infinis changemens en saueurs, odeurs, & couleurs, & poids, & autres effects, main-

Entre toutes les eaux manifestes ou trouvees, cognoistre quelles sont communement les meilleures à boire au ani-

D

tenant salubres, maintenat insalubres aux animaux

de la terre, ainsi qu'en ce chapitre nous auons tasché

de brieuement & vniuersellement declarer.

maux, et si elles ne sont bones, comment il les faut ame nder et conseruer, et puis apres conduire, ou monter à la part qu'il sera necessaire.

CHAPITRE III.

Ne

side.

Ous avons ia dit puis que par froideur & humidité de l'air, l'eau est procreée & cogelee, elle ne peut estre que froide & humide, & vn peu pesante, sans aucune aux

mide, & vn peu pesante, sans aucune autre qualité, pour restreindre la soif aux animaux non venimeux, & pour arrouser & mudifier toutes choses palpables. Parquoy entendu qu'elle se vestit presque d'infinis accidens par la raison des lieux où elle s'engendre ou passe, ou est reservee, lesquels ne sont notoires à vn chacun pour s'en seruir en teps & lieu, il est expedient qu'ici pour la fin de l'œuure nous en exposions brieuemet les marques, & moyens & raisons. Et premierement les eaux qui naissent en terres portant vignes bien fueillues, ou par special des hiebles, du trefle, du cresson, & des pruniers sauuages, sans qu'il y aborde aucune venimeuse vermine, ne qu'il en sorte aucune mauuaise odeur, sont tresbonnes. Item si elle sort & passe par vn lieu de sablon, ou limon purs, & sans terre qui la mundifient, ou vrayement si elle sort de tetre, ou passe par icelle, laquelle n'air au goust & senteur aucune saueur ni odeur, à tout le moins qui soit mal plaisante & agreable, ni quant & quat aucune espece de couleur qu'on puis-Kill.

2015

MI

100

200

P

THE

se apperceuoir. Dauantage l'eau est bonne quant on trouue par experience aux parties interieures des animaux qui en vsent, qu'elle n'apporte aucun vice ni maladie, & semblablement qui se récontre plus propre à cuire des pois qu'vne autre, comme aussi elle est bonne quand elle est plustost eschaufee au feu, & plustost en apres refrigeree qu'vne autre. Car tous tels indices monstrent qu'elle est elabouree, legere, & attemperee plus que tout autre. Secutiuemet toute eau est encore bonne, si en la faisant couler & recouler par de pur sablon, elle ne deuiet en nulle qualité meilleure, ni plus claire qu'elle cstoit au parauat, ni le sablon aussi chagé par où elle a esté coulee. Autant en faut-il entédre si on la faisoit passer sur la face d'vn miroir, ou à trauers vn linge vieux & d'assez grosse toille, & bien blanche de lesciue, sans qu'on discerne ni à l'vn ni à l'autre aucune tache ou macule, comme il se fait quand elle est viciee. Autant encore si on la fait cuire, & consumer dans vn grand pot de terre vernicé, ou vne grosse phiole de verre, & ce à petit seu, & de charbons, ia de moitié en autre feu diminuez: car si en apres on espad les fondrilles, s'il en y a, sur vne nappe blanche au soleil, quand elles seront seches, on n'y apperçoit, ni à l'œil, ni au goust, ni au sentiment, autre chose que que que peu de terre sablonneuse, c'est signe qu'elle est bonne, & si autrement elle est viciee des choses qu'on y apper-

LIVRE TROISIEME. çoit minerales, ou autres, soit en couleur, soit en saueur, soit en odeur, soit pesse messe vn peu d'vn, vn peu d'autre. Et tel signe est exibé pour le dernier, & plus certain & general que les precedents ou tout autre qu'on peut prouuer, tant pour iuger des eaux salubres, qu'insalubres: car cestui-ci espreuue non pas vne ou deux, mais toutes qualitez accidentaires aux eaux, voire iusques à l'odeur & couleur, entendu qu'elles ne peuuent subsister en l'eau naturelle, sans quelque substance visqueuse & crasse, laquelle cerces se rencontreroit & discerneroit tousiours à la fin de tel examen: à l'occasion dequoy cestui-ci sur tous, ou pour tous autres moyens & signes d'experience, quand on voudra prendre vn peu dauantage de peine suffira: combien qu'il ne sera infructueux pour tous de noter comme en passant, qu'entre toutes les caux potables, celle de pluye cueillie l'hyuer ou le printemps bien nettement en cisternes, & souuent tiree, & agitee, est tresbonne, & la plus legere. Puis celle de fontaine qui naist d'vne tumeur seule regardant l'orient, & l'occident, sortant viuemet à trauers le sablon, & qui est froide le chaud temps, & tiede l'hyuer, & tiercement celle de riviere bien rassise, & tenue en vases de terre bien freschement. Quartement celle de puits, & singulierement s'il se trouue pres de la mer, & que neantmoins l'eau en soit dessalee pour estre coulee & descendue par terres ou arsil.

104 104 leuses, ou limonneuses: telle eau, di-ie, se conserue long téps sans corruption, mesmes sur la mer, pource qu'elle a esté ratifiee au parauant par salure, & par coulement. Et en cinquieme lieu il ne faut mespriser celle de neige & glace fondues. Et en sixieme celle d'vn lac, iaçoit qu'elle soit plus pesante que les autres qui sont potables. Et en septieme & dernier lieu celle d'vn palu, ou maraits. Et encore entre toutes les parties d'vne chacune de celles ci, ce qui est, di ie dessus, quand toutes sont particulieremet reduictes en lieu qu'on les peut espuiser, est plus leger & espuré, & par consequant salubre, que ce qui est au milieu & au fons: car les eaux entant qu'elles participent de l'air, ont tousiours leurs parties supremes participantes auecques luy plus qu'au dessoubs, assauoir en legereté & pureté, & par consequant en conuenance à la conseruation des animaux qui fuyent tout venin. Mais si le lieu où lon se trouve ne rapporte ni en cauant, ni autrement aucunes des eaux potables, mais seulement de fort pesantes & mixtionnees en cou-

leurs, odeurs, & saueurs terrestres, ou des sucs & pier-

res minerales, ou des metaux mesmes, lors que fera

on, pour oster toute la couleur, & toute autre mau-

uaise qualité en grande quantité d'eau? On les doit

faire passer & repasser par plusieurs fosses ou canaux

pleins de sablon bien pur, ou du limon, ou de l'arsile

qui ne soyent point corrompus ni viciez, & ainsi fai-

fant,

LIVRE TROISIEME.

sant, elles deviendront potables, & denuees de tout accident nuisant tel qu'auons dit, assauoir de pesanteur excessiue, ou d'espesseur, & de toutes sortes de couleurs, & odeurs, & saueurs dagereuses, & n'y aura en icelles ni soulphre, ni bitume, ni on Auosité, ni salure, ni aigreur, ni piqueur, ni amertume, ni douceur mal agreable, ni autre chose suruenue qui ne s'en aille par tel art, sans qu'il faille vser de concoction, ou distillation, ou d'autre mistere prolixe & ambageux: car le sablon, & limon ou arsille tels qu'auons dit retiennent tout cela des eaux en coulant qui leur est superflu, ores que telles matieres ne soyent vne autre fois propres à cest esfect, sinon qu'elles ayent esté log temps exposees à la pluye, ou au vent, qui les auront mundifiees, & nettoyees des accidens suruenus. Parquoy quand on voudra expurger souuet pour beaucoup d'vsages les susdictes eaux maleficiees, il faudra aussi à chaque fois changer les susdictes matieres, ou bien conseruer tant d'eau par vn tel exploiet mundifice, qu'elle puisse durer iusques au temps qu'icelles inatieres hasses soyet remises en leur premier estre. Mais s'il convient ainsi garder par vn temps, & conseruer tant ces eaux de corruption, que les premieres qui se sont naturellement exposees beuuables, ou à tout le moins passables, quel moyen faudra-il tenir? Il les conviendra verser, & vuider dans des cisternes bien cimentees, qui ayent au fons vn ou deux tom-

L.j.

bereaux de sablon pur de riviere, ou autre, ou bien au lieu du sablon, des cailloux, ou vne phiole pleine de bon vinaigre, bouchee de chaux destrempee, & esteinte à l'huile: car chacune de ces choses gardent & mundifient, tesmoin l'experience, toute eau bonne & nette d'alteration & tournement, & mesmement si elle est souuent tiree, ou au lieu de ce agitee, par vne perche suspendue auec vne corde, au milieu de la cisterne auec vn baston de trauers, comme vne tariere, & deux en croix, attachez dans l'eau à l'autre extremité de ladicte perche, comme quand on veut desgraisser le vin tourné, qui est chose qui sert presque autant comme si telle eau auoit vn cours pour se mundisier. Et si finalement il la convient conduire en autre part, ou bien monter pour maintes necessitez, en tel cas quel moyen tiendra-on? On niuellera afin de la deriuer en autre lieu, si elle aura de pente assez pour y couler, & ce par moyés vulgaires, tels qu'ont inuenté les Geometres & Architectes, & ayans esprouué que cela ce peut faire, c'est qu'elle aura pour le moins de cent pieds vn de decliuite, on la menera par tuyaux de terre, longs d'enuiron trois pieds, & quarrez pour estre mieux stables, par dehors de demi pied de large & espais, & percez rondement d'enuiron trois poulces, estans enfoncez dans terre sur bonne arsille d'environ deux pieds & demi, quand ils seront emboitez l'vn dans l'autre

partie rondement, partie quarrement comme boites bien cimentees, & que de cent en cent pas la decliuite & interualle des lieux estans garnis de petis ponts de pierre, & voutez, s'ils ont des vallees, on y appliquera vn reservoir de pierre de taille pour donner à l'eau repos, & comme nouuelle source pour euiter irruption & fraction des tuyaux par vn trop long & pesant & violent cours de ladicte eau. Ainsi donc l'eau bonne, non seulemet se derinera d'vn lieu en autre pour secourir à maintes necessitez, mais aussi dans tels tuyaux de terre elle s'amendera (en courant) toussours de plus en plus. Que s'il venoit mieux à poin & de la monter que de la decliuer deçà ou delà par la pente des lieux, lors on pourra sur ce choisir quelque propre machine des Architectes, ou bien de celles que nous auros excogitees au liure qu'auons fait pour le Roy. Et voila comment entre toutes les eaux manifestes ou trouvees on peut cognoistre quelles sont communement les meilleures à boire aux animaux, & si elles ne sont bonnes comme il les faut amender & conseruer, & puis apres conduire, ou monter à la part qu'il sera necessaire. Et ici finit l'art & science de trouuer les eaux & fontaines cachees soubs terre, autrement que par moyens vulgaires des Agrigulteurs & Architectes.

FIN.

EXTRAICT DV PRĪVILEGE.

A R grace & priuilege du Roy, est permis à laques Besfon Dauphinois, professeur és sciences Mathematiques, faire imprimer par tel imprimeur qui voudra choisir & elire, le liure intitulé, L'art & science de trouver les eaux & fontaines cachees soubs terre, auec defenses à tous autres Imprimeurs & Libraires quels qu'ils soyent en ce royaume, d'imprimer ou faire imprimer, ne mettre en vente ledict liure, que ceux qui auront esté imprimez par Eloy Gibier Imprimeur, & sans le consentement dudict Gibier & Pierre Trepperel Libraire demouras à Orleans, qui ont la charge & permission de ce faire par ledict Besson: pendant & durant le terme de dix ans ensuiuans & consecutifs, à commencer du iour & datte que ledict liure sera acheué d'imprimer, sur les peines contenues audict priuilege. Donnees à Orleans le vingt septieme iour de luin, l'an mil cinq cens soixante neuf. Et de nostre regne le neuf-BRVLART. Signé ieme. Par le Roy en son Conseil. Et seellees en grand seel de cire iaune à simple queuë.

Acheué d'imprimer par ledict Gibier le sixieme iour de Septembre, l'an mil cinq cens soixante neuf.

